

by the Central Text-Book Committee and authorised
by the Director of Public Instruction, Bengal.

সাধু-চরিত

শ্রীভুবনমোহন ভট্টাচার্য্য

প্রণীত ।

অষ্টম সংস্করণ ।

Calcutta :

S. C. AUDDY & CO., BOOKSELLERS AND PUBLISHERS

58 & 12, HILLINGDON STREET

1911

মূল্য ১ টাকা আন ।

সেন্ট্রাল টেক্সট-বুক কমিটির অনুমোদিত । বঙ্গদেশীয় বিদ্যালয়সমূহের ডাইরেক্টর্-
মহোদয় কর্তৃক পাঠ্যতালিকাভুক্ত ।

সাধু-চরিত

প্রথম ভাগ । ২

শ্রী ভুবনমোহনভট্টাচার্য্য-প্রণীত

অষ্টম সংস্করণ

Calcutta :

S. C. AUDDY & CO., BOOKSELLERS AND PUBLISHERS,
58 & 12, WELLINGTON STREET.

1911.

**PRINTED AND PUBLISHED BY E. K. DASS FOR S. C. AUDDY & CO
AT THE "WELLINGTON PRINTING WORKS,"
10, HALADHAR BURDHAN LANE, CALCUTTA.**

উৎসর্গ ।

যাঁহার নামের দোহাই দিয়া
আমার পুরুষ-পরম্পরা দ্বিশতাধিক বর্ষ
সসম্মানে জীবিকা নির্ব্বাহ করিয়াছেন, সেই
দেবোপম প্রাতঃস্মরণীয় মহাপুরুষ
ওরমানাথ বিশারদ—
মহাশয়ের পবিত্র নামে এই ক্ষুদ্র গ্রন্থ
পবিত্র করিলাম ।

গ্রন্থকার ।

বিজ্ঞাপন ।

বালকদিগকে গল্পচ্ছলে নীতি শিক্ষা দিবার উদ্দেশ্যে “সাধু-চরিত” প্রচারিত হইল। ঘরের কথা ছাড়িয়া, পরের কথায় এই ক্ষুদ্র পুস্তকের কলেবর পরিপুষ্ট করি নাই। পুস্তকখানি বালকদিগের পাঠোপযোগী হইয়াছে কি না, তাহা দয়াশীল কর্তৃপক্ষের বিবেচ্য।

কলিকাতা, }
আশ্বিন, সংবৎ ১৯৫৫। } শ্রীভুবনমোহন দেবশর্মা।

চতুর্থ সংস্করণের বিজ্ঞাপন ।

ছয় মাসের মধ্যে সাধু-চরিতের ৩য় সংস্করণ নিঃশেষিত হইয়াছে। গ্রন্থ ও গ্রন্থকারের পক্ষে ইহা গৌরব ও সৌভাগ্যের কথা। ষাঁহারা ঋষি ও ঋষিকল্প পূর্বপুরুষগণের চরিত্রের প্রতি ঈদৃশ সম্মান প্রদর্শন করিতেছেন, সেই সকল মহানুভবের নিকট সান্নিধ্য কৃতজ্ঞতা স্বীকার করিতেছি।

আসামের বর্তমান প্রধান কমিসনর, বিজ্ঞ, বহুজ্ঞ, সমদর্শী, ন্যায়নিষ্ঠ, দয়ালু ও পরোপকারী মাননীয় শ্রীযুক্ত সি, এস্, কটন মহোদয় সাধু-চরিত ১ম ও ২য় ভাগ পাঠ করিয়া বিশিষ্টরূপ প্রীত হইয়াছেন।

কলিকাতা, }
সংবৎ ১৯৫৮। } শ্রীভুবনমোহন দেবশর্মা।

সূচীপত্র ।

বিষয় ।	পৃষ্ঠাঙ্ক ।
সাধুসঙ্গ	
রত্নাকর	১
গুরুভক্তি	
উপনন্দ	১০
আরুণি	১৫
অধ্যবসায়—দান—কৃতজ্ঞতা	
কর্ণ	১৮
মাতাপিতা	
বন্দ্যবোধ	২৪
মাতাপিতার প্রতি অবজ্ঞার ফল	
সর্কশ	৩০
সত্যপ্রতিজ্ঞতা—পিতৃভক্তি—রাজভক্তি	
ভীষ্মদেব	৩৪
অধ্যবসায়	
বিশ্বামিত্র	৪০

ବିଷୟ ।	ପୃଷ୍ଠାଙ୍କ ।
ଶରଣାଗତରକ୍ଷଣ	
ବିଶ୍ୱାସିତ୍ୱ ...	୪୭
ଆଶ୍ରିତରକ୍ଷଣ	
ମହାରାଜ ଶିବି ...	୪୬
ଅନ୍ନଦାନ	
ମହର୍ଷି ମୁଦ୍ଗଳ ...	୫୦
ନ୍ୟାୟପରତା	
ବିରୋଚନ ଓ ସୁଧନ୍ୟା ...	୫୩
ପରମ୍ପରାଗ୍ରହଣ	
ଶାସ୍ତ୍ର ଓ ଲିଖିତ ...	୫୬
ଦାନ—ପ୍ରତିଶ୍ରୁତିରକ୍ଷଣ	
ହରିଶ୍ଚନ୍ଦ୍ର ...	୬୦

সাধ-চরিত ।

সাধুসঙ্গ ।

বাল্মীকি (রত্নাকর) ।

[রুত্তিবাস অবলম্বনে ।]



রত্নাকর বিখ্যাত দস্যু । দস্যুত্বই তাহার জীবিকা ছিল । সে প্রকাণ্ড মুদগর হস্তে লইয়া, বনের মধ্যে, পথের পার্শ্বে বসিয়া থাকিত এবং পথিকগণের প্রাণসংহার করিয়া, তাহাদের সঙ্গে যাহা কিছু থাকিত, কাড়িয়া লইত । ক্রমে রত্নাকরের অত্যাচারে লোকের পথ চলা ভার হইয়া উঠিল ।

একদা ব্রহ্মা ও নারদ, সম্ম্যাসীর বেশ ধরিয়া, যে বনে রত্নাকর বসিয়া থাকিত, তথায় উপস্থিত হইলেন । ব্রহ্মা ও নারদ রত্নাকরের পাপকার্য্যের কথা অবগত ছিলেন । তথাপি, তাঁহারা দয়াপরবশ হইয়া, দস্যুর উদ্ধার করিতে তাহার সম্মুখীন

অকস্মাৎ সম্মুখে দুই জন সন্ন্যাসীকে আসিতে দেখিয়া, রত্নাকরের হৃদয় আহ্লাদে নাচিয়া উঠিল । সে মুদগর ঘুরাইতে ঘুরাইতে তাঁহাদের সম্মুখীন হইয়া বলিল,—“আজ আর রক্ষা নাই । শমন তোমাদিগকে স্মরণ করিয়াছেন । মৃত্যুর জন্ম প্রস্তুত হও ।”

ব্রহ্মা বলিলেন,—“বাপু ! তুমি কে ?”

রত্নাকর কঠোরস্বরে উত্তর করিল,—আমি দস্যু । তোমাদিগকে বধ করিয়া তোমাদের বস্ত্রগুলি গ্রহণ করিব ।

ব্রহ্মা উত্তর করিলেন,—আমরা নিরীহ পথিক ; আমাদিগকে হত্যা করিলে যে পাপ হইবে তাহার তুলনায়, বস্ত্রের মূল্য কিছুই নয় । প্রাণিহিংসা গুরুতর পাপকার্য্য । এই মহাপাপে তোমাকে নিশ্চয়ই ঘোর নরকে পড়িতে হইবে ।

দস্যু বলিল,—বুঝিয়াছি । তোমরা আমাকে ফাঁকি দিবার চেষ্টা করিতেছ । এই হস্তে তোমাদের মত কত সন্ন্যাসীকে যমালয়ে পাঠাইয়াছি । রত্নাকর তোমাদের পাপপুণ্যের ফাঁকা কথায় ভুলিবে না । শীঘ্র মরিতে প্রস্তুত হও ।

ব্রহ্মা কহিলেন,—বাপু ! আমরা মরিতে কাতর নহি । যদি একান্তই আমাদিগকে বিনষ্ট করিতে হয়,

তাহা হইলে, আমাদের কয়েকটা কথার উত্তর দিয়া
আমাদিগের প্রাণনাশ কর ।

দস্য্য । কি বলিবে, শীঘ্র বল ।

ব্রহ্মা । আচ্ছা জিজ্ঞাসা করি, তুমি কিজন্য এরূপ
গুরুতর পাপকার্য্যের অনুষ্ঠান কর ?

দস্য্য । আমি এই উপায়ে মাতা, পিতা, স্ত্রী, পুত্র
সকলেরই ভরণপোষণ করি ।

ব্রহ্মা । ভাল, তাঁহারা তোমার উপার্জিত ধনের
যেমন অংশ গ্রহণ করিয়া থাকেন, তোমার সঞ্চিত
পাপের অংশও তেমন লইতে প্রস্তুত আছেন কি ?

দস্য্য । অবশ্য থাকিবেন ।

ব্রহ্মা । কখনই নহে । তুমি যত পাপ করিতেছ,
তাহা তোমারই । তোমার পাপের ফল তুমিই ভোগ
করিবে । অন্যের তাহাতে কোন সংশ্রব নাই । তুমি
একটীবার তাঁহাদিগকে কথটা জিজ্ঞাসা করিয়া আইস ।
যদি তাঁহারা তোমার পাপের অংশ গ্রহণ করিতে
সম্মত হন, তাহা হইলে, ফিরিয়া আসিয়া আমাদিগকে
নিহত করিও ।

রত্নাকর হাসিয়া উঠিল এবং বলিল,—পালাবে
বুঝি ?

ব্রহ্মা কহিলেন,—সত্য বলিতেছি, আমরা পলায়ন

করিব না । তুমি মাতাপিতা প্রভৃতি আত্মীয়গণকে
জিজ্ঞাসা করিয়া আইস ।

রত্নাকর গৃহাতিমুখে অগ্রসর হইল । কিন্তু, পাছে
সন্ন্যাসীগণ পলায়ন করেন, এই আশঙ্কায়, বার বার
পশ্চাতের দিকে ফিরিয়া ফিরিয়া দেখিতে লাগিল ।

রত্নাকর গৃহে গিয়া প্রথমে পিতার নিকটে উপস্থিত
হইয়া কহিল,—পিতঃ ! আমি নরহত্যা করিয়া ধনসংগ্রহ
করি । আপনি আমার পাপভারের অংশ গ্রহণ করি-
বেন কি ?

পুত্রের কথা শুনিয়া পিতা বড় কূপিত হইলেন ।
তিনি কহিলেন,—“পুত্র পাপকার্য্য করিয়া পিতার
ভরণপোষণ করিলে পিতাকে সেই পাপের অংশভাগী
হইতে হইবে, এমন কথা কে বলিল ? কোন্ শাস্ত্রে
ইহার বিধান আছে ? তুমি যখন বালক ছিলে, তৎকালে
তোমার যাহা যাহা আবশ্যক ছিল, সমস্ত দিয়া, আমি
তোমাকে প্রতিপালন করিয়াছিলাম । এক্ষণে আমি
বৃদ্ধ হইয়াছি ; তুমি অবশ্যই আমাকে আবশ্যক দ্রব্য
দিয়া প্রতিপালন করিবে । আমি যত পাপ করিয়াছি,
তোমাকে তাহার অংশভাগী হইতে হইবে না ।
তোমাকে নরহত্যা করিতে কে বলিল ? আমি কেন
তোমার পাপভাগী হইব ?”

এই কথা শুনিয়া, রত্নাকরের মুখ শুকাইল । সে জনমীর নিকটে গিয়া কাঁদিতে কাঁদিতে কহিল,—“মা ! অনেক পাপকার্য্য করিয়া তোমাদের অন্নবস্ত্র সংগ্রহ করি ; বল, তুমি আমার পাপের অংশ গ্রহণ করিবে কি না ?”

মাতা কহিলেন,—“দশ মাস দশ দিন গর্ভে ধারণ করিয়া কত কষ্ট পাইয়া, তোমাকে মানুষ করিয়াছি । সন্তানের জন্য মাতা যতদূর ক্লেশ স্বীকার করেন, তাঁহার এক দিনের ধারণ কেহ পরিশোধ করিতে পারে না । কোথায় তুমি আমার উপকার করিবে, তাহা না করিয়া আমার মাথায় বিষম পাপের বোঝা চাপাইয়া দিতে ইচ্ছা করিয়াছ । আমি তোমার পাপের অংশ গ্রহণ করিতে পারি না ।”

রত্নাকর নিরাশ হইয়া পত্নীর নিকটে উপস্থিত হইল এবং কাতরস্বরে কহিল,—“আমি তোমার অন্নবস্ত্র সংগ্রহ করিতে অনেক পাপ করিয়াছি । সত্য বল, তুমি আমার পাপের অংশ গ্রহণ করিবে কি না ?”

রমণী উত্তর করিলেন,—“প্রভো ! স্বামী স্ত্রীর ভরণ-পোষণ করেন বলিয়া তিনি ভর্তা । স্ত্রীর অন্নবস্ত্র দিতে স্বামী যদি পাপ করেন, তাহা হইলে, পত্নীকে তাহার অংশভাগিনী হইতে হয় না । তোমাকে পাপ করিতে

কে বলিল ? আমি তোমার পাপের অংশ গ্রহণ করিতে পারি না ।”

এতক্ষণের পর রত্নাকর বিলক্ষণ বুঝিতে পারিল, স্ত্রী বল, পুত্র বল, পাপের অংশী কেহই হয় না । রত্নাকর আজ চারিদিকে অন্ধকার দেখিতে লাগিল । তাহার হৃদয়ে অনুতাপের প্রবল আগুণ জ্বলিয়া উঠিল । পাপের ভয়ে সে চোক বুজিল । কিন্তু আজ তাহার শান্তি কোথায় ? সে নয়ন মুদিয়া মানসনেত্রে দেখিতে লাগিল, শত শত নরককুণ্ড তাহার জন্ম উন্মুক্ত রহিয়াছে । যম-দূতগণ বিকটবেশে যেন তাহারই জন্ম অপেক্ষা করিতেছে । রত্নাকর কাঁদিল । চক্ষুজলে তাহার পরিধেয় বসন ভিজিয়া গেল । সে ভাবিতে লাগিল,—আমার কি গতি হইবে ? হায় ! এই হস্তে কত নিরীহের বিনাশ করিয়াছি । কত শিশুকে কাঁদাইয়াছি । কত রমণীকে অনাথা করিয়াছি । হায় ! কোথায় যাই ? কোথায় গেলে আমার এই বিষম পাপভার লঘু হইবে ? রত্নাকর ভাবিতে ভাবিতে, উদ্ধ্বাসে ছুটিয়া, যেখানে ব্রহ্মা ও নারদ অবস্থান করিতেছিলেন, সেখানে উপস্থিত হইল । ব্রহ্মা দেখিলেন রত্নাকর আর সে রত্নাকর নাই । দম্ভ্য রত্নাকর অনুতাপের আগুনে পুড়িয়া গিয়াছে । তাহার বদলে এক নূতন ব্যক্তি উপস্থিত ।

ব্রহ্মা বলিলেন,—“কেমন, কেহ কি তোমার পাপের অংশ গ্রহণ করিতে প্রস্তুত আছেন ?”

রত্নাকর এই কথার কোন উত্তর না দিয়া, ব্রহ্মার চরণ জড়াইয়া ধরিল এবং নিতান্ত কাতরস্বরে বার বার বলিতে লাগিল,—“প্রভো ! এই অধমের উদ্ধার করুন । আমি পাপসাগরে ডুবিয়াছি ।”

ব্রহ্মা রত্নাকরকে ভরসা দিয়া বলিলেন,—“ভয় নাই, কঁাদিও না । না জানিয়া যে মহাপাপ সঞ্চয় করিয়াছ, তাহার প্রায়শ্চিত্ত কর । আমি যে পর্য্যন্ত পুনরায় এখানে ফিরিয়া না আসি তদবধি, নিজের পাপ-কার্য্য স্মরণ করিয়া পরমেশ্বরের আরাধনা কর ।” ব্রহ্মা এই বলিয়া চলিয়া গেলেন ।

রত্নাকর সেই বিজনবনে বসিয়া কঠোর ধ্যানে নিমগ্ন হইল । কত গ্রীষ্ম এই ভাবে গেল । কত শীত কাটিল । ব্রহ্মা ফিরিলেন না । রত্নাকরের সেই বিশাল শরীর ক্রমে ক্রমে শুকাইয়া গেল । সেই শরীরের উপর দিয়া কত বাত, কত বৃষ্টি, কত ঝড় বহিয়া গেল । তথাপি ব্রহ্মা ফিরিলেন না ; মহাপাপের মহাপ্রায়শ্চিত্ত । ক্রমে রত্নাকরের বাহুজ্ঞান লোপ পাইল । বগ্মীকপিণ্ডে তাহার দেহ ঢাকিয়া গেল । রত্নাকরের চेतনা নাই । সে সেই উইয়ের ঢিবির ভিতরে

বসিয়া, একমনে পরমেশ্বরের অনুগ্রহ প্রার্থনা করিতে লাগিল ।

অবশেষে, ব্রহ্মা যখন বুঝিলেন, রত্নাকরের পাপের উপযুক্ত প্রায়শ্চিত্ত হইয়াছে, তখন সেই বনদেশে উপস্থিত হইয়া, তাহার উদ্ধার করিলেন । রত্নাকর নয়ন মেলিয়া সম্মুখে দেখিল, ব্রহ্মা । সে তৎক্ষণাৎ তাহার চরণে পড়িয়া কঁাদিতে কঁাদিতে কহিল,—“বল প্রভো ! আমার কি উপায় হইবে ?”

ব্রহ্মা বলিলেন,—“ভয় নাই । তোমার পাপ কাটিয়াছে ।”

অতঃপর রত্নাকর বাল্মীকি বলিয়া প্রসিদ্ধ হইলেন । সাধুসঙ্গের মাহাত্ম্য অসীম । সাধুসঙ্গের গুণে দম্ভ্য ঋষিপদবী প্রাপ্ত হইল ।

একদা বাল্মীকি দেখিলেন, এক বকদম্পতি বৃক্ষ শাখায় বসিয়া রহিয়াছে, এমন কালে, এক ব্যাধ, নিশিত শরে তাহাদের একটীর বিনাশ করিল । এই ঘটনা অবলোকন করিয়া, তিনি হৃদয়ে বড় বেদনা পাইলেন । যে ব্যক্তি স্বহস্তে শত শত নরহত্যা করিতে সক্ষম হইয়া নাই, সাধুসঙ্গের গুণে, তাহার হৃদয়ে এতই পরিবর্তন ঘটিয়াছিল যে, একটা বককে নিহত দেখিয়া সেই-কঠোর হৃদয় কঁাদিয়া উঠিল । বাল্মীকি শোকে অধীর

হইয়া বলিয়া উঠিলেন,—“রে নিষাদ ! তুই কখনই
প্রতিষ্ঠা লাভ করিতে পারিবি না ।”

বাল্মীকি রামায়ণ প্রণয়ন করিয়া জগতে অগর হইয়া
গিয়াছেন





গুরুভক্তি ।

(১)

উপমন্যু ।

[মহাভারত অবলম্বনে ।]



পূর্বকালে আয়দধোম্য নামে একজন ঋষি ছিলেন ; উপমন্যু তাঁহার শিষ্য । সেকালের ছাত্রদিগকে গুরুর গৃহে বাস করিয়া অধ্যয়ন করিতে হইত । ভূত্যের ন্যায় গুরুর আজ্ঞা পালন করিতে হইত । ক্রীতদাসের ন্যায় তাঁহার মন যোগাইতে হইত । গোচারণ, পুষ্পচয়ন, বদ্ধকাষ্ঠ প্রভৃতির আহরণ—এমন কি গুরু যখন যেরূপ আদেশ করিতেন, শিষ্যকে তাহাই পালন করিতে হইত ।

গুরু উপমন্যুকে গোচারণের ভার দিয়াছিলেন । এই নীচ কার্য্য করিতে উপমন্যু কিছুমাত্র সঙ্কুচিত হন নাই । সে কালের শিষ্যেরা গুরুকে সামান্য মানুষ

বলিয়া মনে ভাবিতেন না । তাঁহারা বলিতেন, গুরুদেব সাক্ষাৎ শিবস্বরূপ ; তাঁহার আদেশই বেদ, শুশ্রূষাই তপস্যা ; গুরুর প্রীতিকর কার্য্যের অনুষ্ঠানই পরম যজ্ঞ । যতকাল গুরু শিষ্যের সেবায় পরিতুষ্ট হইয়া, তাহাকে আপনার গৃহে ফিরিয়া যাইতে অনুমতি প্রদান না করিতেন, শিষ্যকে ততকাল পর্য্যন্ত গুরুর ঘরে থাকিয়া তাঁহার সেবা করিতে হইত । এমনভাবে কত শিষ্যের চুল পাকিয়া যাইত, দন্তমূল শিথিল হইয়া পড়িত ; তথাপি, তাঁহাদের হৃদয়ে গুরুর প্রতি অভক্তির উদয় হইত না ।

গুরুর আজ্ঞানুসারে উপমন্যু সমস্ত দিন গরু চরাইতেন এবং সন্ধ্যাকালে, গুরুর গৃহে ফিরিয়া আসিয়া তাঁহার পাদবন্দনা করিতেন ।

একদিন আয়োদধৌম্য উপমন্যুকে ডাকিয়া কহিলেন,—“ বাছা ! তুমি ক্রমেই হৃষ্টপুষ্ট হইতেছ দেখিতেছি । তুমি কি আহাঃ করিয়া এরূপ মোটামোটা হইতেছ ? ”

উপমন্যু উত্তর করিলেন,—“ প্রভো ! ভিক্ষা করিয়া যাহা প্রাপ্ত হই, তাহাই আহার করি । ”

গুরু কহিলেন,—“ আমাকে না বলিয়া ভিক্ষার দ্রব্য আহার করাতে তোমার দোষ হইতেছে ”

উপমন্যু পরদিন ভিক্ষা করিয়া যাহা পাইলেন, সমস্ত গুরুর নিকট রাখিলেন । গুরু সকলই গ্রহণ করিলেন । উপমন্যুকে কিছুই ফিরাইয়া দিলেন না । তিনি সে দিন উপবাসে কাটাইলেন ; পরদিন, উপবাসী হইয়াও, যথাকালে গুরু চরাইতে গেলেন । এই ভাবে কিছু দিন কাটিল ।

আর এক দিন উপাধ্যায় বলিলেন,—“উপমন্যো ! আমি ত প্রত্যহ তোমার সমস্ত ভিক্ষান্ন গ্রহণ করি, তথাপি তোমার শরীর এরূপ হৃষ্টপুষ্ট দেখিতেছি কেন ? তুমি আজকাল কি খাও ?”

উপমন্যু বলিলেন,—“প্রভো ! গোচারণে গিয়া গাভী দোহন করিয়া দুগ্ধ পান করি, তাহাতেই আমার ক্ষুধা তৃপ্ত দূর হয় ।”

গুরুদেব বলিলেন,—“আমি তোমাকে দুগ্ধ পান করিতে অনুমতি প্রদান করি নাই ; স্ততরাং, ইহাতে তোমার বড়ই দোষ হইতেছে । অতঃপর তুমি গো-দোহন করিও না ।”

উপমন্যু অতঃপর গাভী দোহন করিতেন না । বৎসগণ দুগ্ধ পান করিলে, উহাদের মুখে যে ফেন লাগিয়া থাকিত, তিনি তাহাই সংগ্রহ করিয়া পান করিতেন । কয়েকদিন পরে, গুরু জানিতে পারিয়া,

ইহাতেও নিষেধ করিলেন । জীবন ধারণের জন্য উপ-
মন্যুর আর কোনই উপায় রহিল না । ধন্য উপমন্যু !
ধন্য তাঁহার গুরুভক্তি ! এত অত্যাচারেও গুরুর প্রতি
তাঁহার শ্রদ্ধার কিছুমাত্র হ্রাস হইল না । তিনি দিন
দিন ক্লান্ত হইতে লাগিলেন, কিন্তু তথাপি, পূর্বের মত
প্রত্যহ গরু চরাইতেন ।

একদা গোচারণে গিয়া উপমন্যু ক্ষুধার জ্বালায়
আঁধর হইয়া উঠিলেন ; কিন্তু উপায় কি ? গুরু তাঁহার
আহার রাখেন নাই । প্রাণ যায়, তাহাও স্বীকার,
তথাপি উপমন্যু গুরুবাক্য লঙ্ঘন করিতে পারেন না ।
তিনি আহারের আর কিছু না পাইয়া, অগত্যা অর্কপত্র
ভক্ষণ করিলেন । তাহাতে চক্ষুর পীড়া উপস্থিত হইল ।
রোগ ক্রমে বৃদ্ধি পাইল । উপমন্যু অন্ধ হইলেন এবং
একদিন সেই বনের মধ্যে, একটা কূপে পড়িয়া গেলেন ;
অনেক চেষ্টা করিলেন, উঠিতে পারিলেন না ।

ক্রমে সন্ধ্যা উত্তীর্ণ হইল । উপমন্যু গৃহে ফিরিলেন
না । গুরুর আসন টলিল । তিনি রাত্রিকালে শিষ্যের
অনুসন্ধানে বাহির হইলেন । উপমন্যু যে বনে গরু
চরাইতেন, গুরু সেখানে উপস্থিত হইয়া “ উপমন্যো,—
উপমন্যো ! ” বলিয়া ডাকিতে লাগিলেন । উপমন্যু
কূপের মধ্যে থাকিয়া উত্তর করিলেন,—“ আমি ক্ষুধার

জ্বালায় অস্থির হইয়া অর্কপত্র তক্ষণ করিয়াছিলাম,
তাহাতে অন্ধ হইয়া কূপে পড়িয়াছি ; উঠিতে পারি-
তেছি না । ”

উপমন্যুর অদ্ভুত গুরুভক্তি দেখিয়া দেবতারা
তাঁহাকে কৃপা করিলেন । তিনি শীঘ্রই সেই কূপ
হইতে উদ্ধার পাইয়া রোগমুক্ত হইলেন । গুরুভক্তির
বলে ও দেবতার অনুগ্রহে, তিনি অচিরে সকল শাস্ত্রে
অদ্বিতীয় পণ্ডিত হইয়া উঠিলেন । ঈশ্বর যাঁহার প্রতি
সদয়, তাঁহার পক্ষে কিছুই বিচিত্র নহে । X





গুরুভক্তি

(২)

উদ্দালক ।

[মহাভারত অবলম্বনে ।]



যৌদধৌম্যের আরুণি নামে আর এক-জন শিষ্য ছিলেন । তিনিও নিরতিশয় গুরুভক্ত । গুরুদেব যখন যাহা আদেশ করিতেন, আরুণি তৎক্ষণাৎ তাহাই করিতেন ।


গুরুর শস্ত্রক্ষেত্র ছিল । একদিন তিনি আরুণিকে ক্ষেত্রের আলি বাঁধিতে আজ্ঞা করিলেন । আরুণি তৎক্ষণাৎ শস্ত্রক্ষেত্রে চলিলেন । তিনি সেখানে গিয়া, আলি বাঁধিলেন, কিন্তু জলের স্রোতে উহা ভাঙ্গিয়া গেল । আবার বাঁধিলেন, আবার ভাঙ্গিল । পুনঃ পুনঃ চেষ্টা করিয়াও আরুণি জলস্রোত বন্ধ করিতে পারিলেন না । অবশেষে আর কোন উপায় না দেখিয়া,

ক্ষেতের যে অংশটুকু ভাস্কিয়া, জলস্রোত প্রবাহিত হইতেছিল সেখানে, স্বয়ং পড়িয়া রহিলেন । জলের গতি বন্ধ হইল ।

এদিকে ঋষি বহুক্ষণ আরুণিকে ফিরিয়া আসিতে না দেখিয়া, অন্যান্য শিষ্যগণকে জিজ্ঞাসা করিলেন,— আরুণি কোথায় ? সকলেই কহিলেন,—আপনি তাহাকে ক্ষেতের আলি বাঁধিতে পাঠাইয়াছেন । গুরু বলিলেন,—তাহার বহুক্ষণ বিলম্ব হইতেছে ; চল, আমরাও সেখানে যাই । এই বলিয়া, শিষ্যদিগকে সঙ্গে লইয়া, তিনি ক্ষেত্রের দিকে চলিলেন । ক্ষেত্রের নিকটে উপস্থিত হইয়া তিনি এদিক ওদিক খুঁজিলেন, কিন্তু কোথাও আরুণিকে দেখিতে পাইলেন না । ইহাতে শঙ্কিত হইয়া, গুরু “আরুণি, আরুণি !” বলিয়া উচ্চৈঃস্বরে ডাকিতে লাগিলেন । গুরুদেব আহ্বান করিতেছেন শুনিয়া, আরুণি তৎক্ষণাৎ গাত্রোথান করিলেন এবং তাঁহার নিকটে গিয়া প্রণাম করিয়া কহিলেন, “প্রভো ! ক্ষেত্রের জল বাহির হইয়া যাইতেছিল, আমি বহুতর প্রয়াস পাইয়াছিলাম; কিন্তু তথাপি, জলের গতি বন্ধ করিতে পারি নাই । অগত্যা, সেই জলবেগ রোধ করিবার জন্য, সেখানে শয়ন করিয়াছিলাম ।”

গুরু মহাসন্তুষ্ট হইলেন এবং কহিলেন,—“বৎস !
তুমি কেদারখণ্ড হইতে উৎখিত হইয়াছ, অতএব আজ
অবধি তোমার নাম উদ্দালক হইল । আমার আশী-
র্বাদে তুমি সকলশাস্ত্রে অদ্বিতীয় পণ্ডিত হইবে ।”

বাস্তবিকই ভগবানের অনুগ্রহে উদ্দালক মহাপণ্ডিত
হইয়াছিলেন ।





অধ্যবসায়—দান—কৃতজ্ঞতা ।

কর্ণ ।

[মহাভারত অবলম্বনে ।]



সদেশের রাজা মহাবীর কর্ণ দাতা, পরোপকারী এবং কৃতজ্ঞ বলিয়া বিখ্যাত । তদীয় শৈশবাবস্থায় অধিরথ নামে এক সূত তাঁহাকে পুত্রের মত লালনপালন করিয়াছিল । অধিরথের পত্নীর নাম রাধা । রাধার স্তনদুগ্ধ পান করিয়া পরিপুষ্ট হইয়াছিলেন বলিয়া, অনেকে কর্ণকে রাধেয় বলিত ।

নীচ লোকের গৃহে কর্ণ প্রতিপালিত হইয়াছিলেন । এই হেতু, বাল্যকালে সকলে তাঁহাকে অবজ্ঞা করিত । কর্ণ একটু বড় হইয়া, মনে মনে প্রতিজ্ঞা করিলেন,—লোকের অবজ্ঞাভাজন হইয়া জীবনধারণ করা বিড়ম্বনামাত্র, অতএব যেরূপে পারি বিদ্যা, জ্ঞান এবং যশ উপার্জন করিয়া আমি জনসমাজে আদরণীয় হইব, তখন লোকে আমাকে আর নীচকুলোদ্ভব বলিয়া অবজ্ঞা করি-

বার অবসর পাইবে না, বরং আমাকে সমধিক গুণসম্পন্ন বলিয়া সমাদর করিবে।

লেখাপড়া বল, আর যাহাই কেন বল না, গুরুভক্তি ও অধ্যবসায় না থাকিলে কিছুই ভালরূপে শিখিতে পারা যায় না। কর্ণের অধ্যবসায় ও গুরুভক্তির তুলনা নাই। কিশোরবয়সে তিনি ছদ্মবেশে পরশুরামের নিকট যুদ্ধবিদ্যা শিখিতে গিয়াছিলেন। একদিন পরশুরাম কর্ণের উরুতে মাথা রাখিয়া নিদ্রা যাইতেছিলেন। একটা কীট সহসা মূর্তিকা ভেদ করিয়া উঠিল এবং কর্ণের উরুর মাংস কাটিয়া লইতে লাগিল। কর্ণের বড় কষ্ট হইল। কিন্তু পাছে গুরুর ঘুম ভাঙ্গিয়া যায় এই ভাবিয়া, তিনি একটুও নড়িলেন না। রক্তে তাঁহার পরিধেয় বসন ভিজিয়া গেল। পরশুরাম জাগিয়া কর্ণের ঈদৃশ ধৈর্য্য ও গুরুভক্তি দেখিয়া বড়ই বিস্মিত হইলেন।

পূর্বেরই বলা হইয়াছে, কর্ণ ছদ্মবেশে পরশুরামের নিকটে গিয়াছিলেন। তিনি পরশুরামের নিকট আপনাকে ব্রাহ্মণ বলিয়া পরিচয় দিয়াছিলেন। বাস্তবিক তিনি ব্রাহ্মণ ছিলেন না। মিথ্যার মত পাপ আর নাই। এই মহাপাপে পরশুরাম কর্ণের উপর যার পর নাই অসন্তুষ্ট হইলেন এবং কর্ণের অসাধারণ গুরুভক্তি ও সহিষ্ণুতা থাকিলেও, ‘যুদ্ধকালে ব্রহ্মাস্ত্র বিস্মৃত

হইবে’ তাঁহাকে এই দারুণ অভিশাপ প্রদান করিলেন । মিথ্যাবাদীর যতই কেন গুণ থাকুক না, এক মিথ্যার দোষে কেহ তাহাকে ভালবাসে না ।

দ্রোণাচার্য্য নামে এক জন মুনিপুত্র মহাধনুর্দ্ধর ছিলেন । তিনি কুরুবংশের রাজপুত্রদিগকে অস্ত্রবিদ্যা শিখাইতেন । যুধিষ্ঠির, অর্জুন, দুর্য্যোধন প্রভৃতি সকলেই তাঁহার শিষ্য । এক দিন দ্রোণ ছাত্রগণের পরীক্ষা লইতে ইচ্ছা করিলেন । পরীক্ষার দিন স্থির হইল । নগরের যত বড় বড় লোক বালকগণের পরীক্ষাদর্শনার্থ উপস্থিত হইলেন । বালকেরা একে একে আপন আপন বিদ্যাবুদ্ধির প্রমাণ দেখাইলেন । অর্জুন সকলের প্রধান বলিয়া অবধারিত হইলেন । সকলে ধন্য ধন্য বলিয়া অর্জুনের প্রশংসা করিলেন । কর্ণের প্রাণে ইহা সহিল না । কর্ণ নির্ভয়ে রঙ্গভূমিতে প্রবেশ করিয়া অর্জুনকে ডাকিয়া কহিলেন,—“অর্জুন ! তুমি যে সকল কৌশল দেখাইয়া সভাজনকে বিস্মিত করিয়াছ, আমিও সে সমস্ত দেখাইতে পারি ।” কর্ণের এই অহঙ্কারের কথা শুনিয়া সভার সমস্ত লোক তাঁহার মুখপানে চাহিয়া রহিল । অবশেষে, অর্জুন যাহা যাহা দেখাইয়াছিলেন, কর্ণও একে একে তৎসমুদায় দেখাইলেন । সভ্যগণ একবাক্যে কর্ণের প্রশংসা করিলেন । অর্জুনের জ্যেষ্ঠভ্রাতা

যুধিষ্ঠির পর্য্যন্ত মনে করিলেন, জগতে কর্ণের মত বীর আর নাই।

কর্ণের হৃদয়ের লক্ষ্য বড় উচ্চ ছিল। তিনি শিক্ষাক্ষেত্রে প্রবেশ করিয়া দেখিলেন, অর্জুন অদ্বিতীয় ধনুর্দ্ধর; কর্ণ প্রতিজ্ঞা করিলেন, আমি অর্জুন অপেক্ষাও প্রধান হইব। অসাধারণ অধ্যবসায়প্রভাবে বাস্তবিকই তিনি অর্জুনের প্রায় সমকক্ষতা লাভ করিয়াছিলেন। যাঁহার জীবনের লক্ষ্য মহৎ, তিনি নিশ্চয়ই মহাপুরুষ হইয়া থাকেন।

দুর্য্যোধন বরাবর পাণ্ডবদিগের দ্বেষ করিতেন। কর্ণকে অর্জুনের তুল্য গুণসম্পন্ন দেখিয়া এবং তাঁহার অদ্ভুত অবদান প্রত্যক্ষ করিয়া, তিনি কর্ণের সহিত মিত্রতা করিলেন, এবং তাঁহাকে অঙ্গদেশের রাজা করিয়া দিলেন। গুণের পুরস্কার অবশ্যই হয়। অধ্যবসায় প্রায় নিষ্ফল হয় না।

কর্ণ গরীবের ঘরের ছেলে। দারিদ্র্যের যে কি কষ্ট, তাহা তিনি বুঝিতেন। তিনি এক্ষণে রাজা। হীন অবস্থা হইতে হঠাৎ বড়লোক হইলে, অনেকে নিজের দুর্-বস্থার কথা ভুলিয়া যায়, একবার ভ্রমেও গরীব দুঃখীদের কথা মনে করে না। কর্ণের প্রকৃতি ইহার সম্পূর্ণ বিপরীত ছিল। তিনি, রাজা হইয়া, দীনদুঃখীদের কষ্ট

দূর করিতে কল্পতরু হইয়া বসিলেন । কর্ণের নিকট যাচক কখনই নিরাশ হইত না । যে যাহা চাহিত, কর্ণ তাহাকে তাহাই দিতেন । তাঁহার দানের যশে পৃথিবী পূর্ণ হইল । সূতপুত্র নাম ঘুচিয়া গেল । অতঃপর তিনি দাতাকর্ণ বলিয়া বিখ্যাত হইলেন ।

দেবতার অনুগ্রহে কর্ণ অক্ষয় কবচকুণ্ডল প্রাপ্ত হইয়াছিলেন । এই কবচকুণ্ডলের এক অসাধারণ গুণ ছিল । কর্ণ এই কবচকুণ্ডলের বলে সমরে অজেয় ছিলেন । এক দিন দেবতাদিগের রাজা ইন্দ্র, ব্রাহ্মণের বেশে কর্ণের নিকটে উপস্থিত হইয়া সেই দুর্ভেদ্য কবচ ও কুণ্ডল চাহিয়া বসিলেন । কর্ণ জানিতেন, কবচকুণ্ডল ছাড়িয়া দিলে তাঁহার নিজের জীবন বিপন্ন হইবে । তথাপি তিনি ভিক্ষুককে বিমুখ করিলেন না । নিজের জীবনের প্রতি লক্ষ্য না করিয়া, তিনি যাচকের মান রাখিলেন । সাধুগণ পরের উপকার করিবার জন্যই জীবনধারণ করেন ।

দুরবস্থার সময়ে কর্ণ দুর্যোধনের নিকট উপকার পাইয়াছিলেন । তিনি আজীবন একথা বিস্মৃত হন নাই । যাহাতে দুর্যোধনের উপকার হয়, কর্ণ প্রাণ দিয়াও তাহা করিতে প্রস্তুত ছিলেন । কুরুক্ষেত্রের মহাসমরে কর্ণ জীবনের শেষ মুহূর্ত্ত পর্যন্ত দুর্যোধনের

পক্ষে থাকিয়া যুদ্ধ করিয়াছিলেন। এই মহারথীকে পাণ্ডবপক্ষ করিবার জন্য অনেকে বিস্তর চেষ্টা করিয়াছিলেন, কিন্তু কিছুতেই কৃতকার্য হইতে পারেন নাই। যত বার কর্ণের নিকট এই পাপপ্রসঙ্গ উত্থাপিত হইয়াছিল, তিনি ততবারই ঘৃণার সহিত উহার প্রত্যাখ্যান করিয়াছিলেন। সাধুগণ বরং মরিতেও প্রস্তুত হন, তথাপি, কৃতঘ্নতারূপ মহাপাপ করেন না।

কর্ণের চরিত্রের গুরুতর দোষ, তিনি পাণ্ডবগণের প্রতি ঘৃণা করিতেন। অকারণে পরের হৃদয়ে বেদনা দিয়া কেহ কখনও সুখী হয় না। কর্ণ যাঁহাদের প্রতি অকারণে ঘৃণা করিতেন, তাঁহাদেরই একতম অৰ্জ্জুনের হাতে মরিয়াছিলেন। পাপ কাহাকেও ছাড়ে না। তুমি বীর হও, দাতা হও, আর যাহাই কেন হও না, যদি তোমার হৃদয়ে পাপ থাকে তাহার ফল ফলিবেই ফলিবে। কর্ণের মত দাতা ও কৃতজ্ঞপুরুষ পৃথিবীতে দুর্লভ। এ হেন কর্ণকেও পাপের ফলে অকালে মরিতে হইয়াছিল।



মাতাপিতা ।

ধর্মব্যাদ (তুলাধার) ।

[ধর্মপুরাণ অবলম্বনে ।]



তপোদেব নামে এক ব্রাহ্মণ ছিলেন ।
তঁাহার একমাত্র পুত্র কৃতবোধ । ধর্মের
প্রতি কৃতবোধের একান্ত অনুরাগ ছিল,
কিন্তু মাতাপিতার প্রতি ত্রেমন ভক্তি
ছিল না । তিনি অল্পবয়সে গৃহত্যাগ
করিয়া তপস্যা করিতে চলিয়া গেলেন । পিতা নিষেধ
করিলেন, অনেক বুঝাইলেন ; কিন্তু কৃতবোধ ঘরে রহি-
লেন না । পিতার কথা অবহেলা করিয়া, তিনি তপস্যা
করিতে গেলেন ।

সমুদ্রের তীরে গিয়া কৃতবোধ ঘোর তপস্যা করিতে
লাগিলেন । আহার নিদ্রা ছাড়িয়া একাসনে বসিয়া,
বহুকাল কাটাইলেন । ত্রেমনের চিবিতে
তঁাহার শরীর ঢাকা পড়িল, জলে সেই

উইয়ের ঢিবি গলিয়া পড়িল । তখন পাখীরা কৃতবোধের চুলের ভিতর বাসা বাঁধিল । ধ্যান ভাঙ্গিলে, এই সকল ঘটনা প্রত্যক্ষ করিয়া কৃতবোধের মনে বড় অহঙ্কার উপস্থিত হইল । তিনি ভাবিলেন,—কি ঘোরতর তপস্শ্রাই করিয়াছি । ভাবিতে ভাবিতে তিনি জলধিতে স্নান করিতে গেলেন ; ফিরিয়া আসিবার কালে, একটু বক তাঁহার শরীরের উপর মল পরিত্যাগ করিল । কৃতবোধ বড়ই চটিলেন । তিনি ক্রোধভরে বকের দিকে যেই চাহিলেন, অমনি সেটা ভস্ম হইয়া গেল । কৃতবোধ ভাবিলেন, আমার তপস্শ্রার সিদ্ধি হইয়াছে । অহঙ্কারে বুক ফুলাইয়া তিনি ইতস্ততঃ বেড়াইতে লাগিলেন ।

একদিন মধ্যাহ্নকালে, ক্ষুধাতুর হইয়া, কৃতবোধ এক ব্রাহ্মণের গৃহে অতিথি হইলেন । ব্রাহ্মণ তখন ঘুমা-ইতে ছিলেন । তাঁহার শুল্ক পিতার পদসেবা করিতে-ছিলেন । কৃতবোধকে দেখিয়া ব্রাহ্মণবালক অভ্যর্থনা করিলেন না । ইহাতে তাঁহার ক্রোধের উদয় হইল । তিনি বলিলেন,—“ওহে ব্রাহ্মণকুমার ! আমি অতিথি, আমাকে গৃহে উপস্থিত দেখিয়াও তুমি কোন কথা কহিতেছ না কেন ? গৃহস্থের গৃহ হইতে যে অতিথি ফিরিয়া যায়, সে, নিজের পাপের ভার গৃহস্থকে দিয়া,

তাহার সমস্ত পুণ্যটুকু লইয়া যায়। তোমার অন্যায় ব্যবহারের প্রতিফল দিতেছি; তুমি আমার তপস্শ্রাবল দেখ।”

ব্রাহ্মণবালক একটু হাসিয়া উত্তর করিলেন,—“মহাশয়, অত রাগ করিবেন না। আপনি আমার পিতার অতিথি, তিনি জাগিয়া আপনার উপযুক্ত সম্মান করিবেন। আমি পিতৃসেবা করিতেছি। সন্তানের পক্ষে মাতাপিতার দিবার শ্রায় তপস্শ্রা আর নাই। আপনি একটা বক ভস্ম করিয়া গর্বিত হইয়াছেন। কিন্তু আমি ত বক নহি যে, আপনি আমাকে ভস্ম করিবেন? অতএব শান্ত হউন। পিতা আমি আপনার সেবা করিবেন।”

বালকের কথায় কৃতবোধ বড়ই বিস্মিত হইলেন। তিনি কহিলেন,—“ব্রাহ্মণকুমার! আমি এতকাল জপ-তপস্শ্রা করিয়া যে জ্ঞান লাভ করিতে পারি নাই, তুমি কি করিয়া তাহা পাইলে? আমি বক ভস্ম করিয়াছি, এ কথা ত কেহই জানে না। তুমি বালক হইলেও তোমাকে গুরু স্বীকার করিলাম। বল, কি করিলে আমি তোমার মত ত্রিকালজ্ঞ হইতে পারি।”

ব্রাহ্মণশিশু বলিলেন,—“বারাণসীতে এক ব্যাধ বাস করেন। তাঁহার নাম তুলাধার। তিনি পরম ধার্মিক। আপনি তাঁহার নিকট গমন করুন। কিন্তু অদ্য আপনি

আমার পিতার অতিথি । অদ্য আপনাকে এখানে থাকিতে হইবে ।” কৃতবোধ ‘তাহাই হইবে’ বলিয়া সে দিন সেখানে রহিলেন । পরদিন বারাণসীর অভিমুখে প্রস্থান করিলেন ।

কৃতবোধ তুলাধারের নিকটে উপস্থিত হইলে, ব্যাধ কহিল,—“মহাশয় ! আমি আপনার আগমনের কারণ পূর্বেই জানিতে পারিয়াছি । আপনি তপোমুখে এক ব্রাহ্মণশিশুকে অবজ্ঞা করিয়াছিলেন । তিনি দর্পচূর্ণ করিয়া আপনাকে আমার নিকট আনিয়াছেন । ভাল আমার গৃহে আসুন ।” এই বলিয়া তুলাধার চলিলেন । ব্রাহ্মণ কোন কথা না কহিয়া তাহার অনুসরণ করিলেন । ব্যাধ ঘরে গিয়া তাহার মাতাপিতাকে ভক্তিপূর্বক প্রণাম করিল এবং ষোড়হাতে, তাঁহাদের সম্মুখে দাঁড়াইয়া রহিল । পিতা আজ্ঞা করিলেন,—
বাছা ! অতিথির সৎকার কর । পিতা আদেশ করিলে, তুলাধার যথাবিধানে অতিথির সেবা করিলেন ।

ব্যাধের সেবায় কৃতবোধের পথশ্রম দূর হইলে, তিনি জিজ্ঞাসা করিলেন,—যে কারণে আমি আসিয়াছি, আপনার তাহা অবিদিত নাই । এক্ষণে বলুন, কিম্বা আমি আপনার মত ত্রিকালজ্ঞ হইতে পারি ? তুলাধার কহিলেন,—“মহাশয় ! আমি একদিন একটা বনে পাখী

শিকার করিতে গিয়াছিলাম। জাল পাতিয়া বসিয়া
আছি, অকস্মাৎ একটা বৃদ্ধ পক্ষী আমার জালে পড়িয়া
ছট্ ফট্ করিতে লাগিল। অদূরে আর একটা পক্ষীশাবক
ছিল। বৃদ্ধ পক্ষীকে এইরূপ বিপন্ন দেখিয়া, সে চঞ্চুপুটে
খানিকটা জল লইয়া, উহার মুখে দিল। কিন্তু জল
দিতে গিয়া, অসাবধানতাবশতঃ, সে নিজে জালে পড়িয়া
গেল। হুঁরাইল। পক্ষীশাবক মরিয়া দেবতার শরীর

বং দেবতার। উহাকে দিব্য রথে চড়াইয়া স্বর্গে লইয়া গেলেন। এই ঘটনা অবলোকন করিয়া আমি বড় চমকিত হইলাম। নিকটে একজন ব্রাহ্মণ কুমার দাঁড়াইয়া দাঁড় করিলেন। আমি তাহাকে সবিনয়ে ইহার কারণ জিজ্ঞাসা করিলাম। তিনি বলিলেন,— “জল দিতে গিয়া কেঁচুখিটা মারা পড়িল, উহা এই বৃদ্ধ-পক্ষীর শাবক।” তিনি তাকে বিপন্ন দেখিয়া, নিজের প্রাণের মায়া ছাড়িয়া ইহার মুখে জল দিয়াছে, এই পুণ্যফলে, দিব্য-দেহ পাইয়া স্বর্গে গিয়াছে। জগতে মাতাপিতার ঋণ প্রত্যক্ষ দেবতা আর নাই। যাঁহারা মাতাপিতার সেবা করেন, তাঁহারা ঘরে বসিয়া সকল তপস্কার ফল লাভ করেন। হে ব্যাধ! যদি তুমি পক্ষিশাবকের মত দেবলোক লাভ করিতে ইচ্ছা কর, তাহা হইলে, ঘরে গিয়া মাতাপিতার সেবা কর।

“ব্রাহ্মণকুমারের উপদেশ পাইয়া আমি গৃহে ফিরিয়া আসিলাম এবং তদবধি কায়মনে মাতাপিতার আজ্ঞা পালন করিতেছি । আমার যাহা কিছু জ্ঞান জন্মিয়াছে, তাহা একমাত্র মাতাপিতার অনুগ্রহে ।

“মহাশয় ! আপনি মাতাপিতার মনে কষ্ট দিয়া তপস্যা করিতে গিয়াছিলেন ; পিতা নিষেধ করিলেও তাঁহার কথা শুনে নাই । এই মহাপাপে, আপনার সকল তপস্যা বিফল হইয়াছে । যদি মঙ্গল লাভ করিতে বাসনা থাকে, তাহা হইলে, অবিলম্বে ঘরে আসিয়া জনকজননীর সেবা করুন । তাহা হইলেই আপনি ঘরে বসিয়া সকল তপস্যার ফল পাইবেন ।

ব্যাধের কথায় কৃতবোধের ঠোঁটের উদয় হইল । তিনি গৃহে গিয়া একমনে মাতাপিতার সেবা করিতে লাগিলেন ।





মাতাপিতার প্রতি অবজ্ঞার ফল ।

সর্ব্বশ ।

[পদ্মপুরাণ অবলম্বনে ।]



কালেকালে মনোভদ্র নামে এক রাজা ছিলেন । তিনি পরম ধার্মিক । তাঁহার দুই পুত্র ছিল । রাজা বৃদ্ধবয়সে, পুত্রগণের হস্তে রাজ্যভার দিতে ইচ্ছা করিলেন । অভিষেকের দিন সকলে রাজসভায় বসিয়া আছেন, এমন সময়ে, এক গৃধ্র নির্ভয়ে সভাগৃহে প্রবেশ করিল । গৃধ্রকে রাজসভায় প্রবেশ করিতে দেখিয়া, সকলেই হইয়া পর নাই চমৎকৃত হইলেন : সভাস্থলে উপস্থিত হইয়া গৃধ্র মানুষের কথায় রাজাকে সম্বোধন করিয়া কহিল,—“মহারাজ ! তোমার পুত্রগণের সমৃদ্ধি দেখিয়া বড় সন্তোষ লাভ করিয়াছি । ইহারা নিজের পাপের ফলে দুস্তর নরকে পড়িয়াছিল ; সম্প্রতি পাপমুক্ত হইয়া অতুল বিভব প্রাপ্ত হইয়াছে ।

সেজন্য আহ্লাদিত হইয়া ইহাদিগকে দেখিতে আসি-
য়াছি ।”

রাজা বলিলেন,—“গৃধ্র ! তুমি কে, কিরূপে তুমি
আমার পুত্রগণের পূর্ববৃত্তান্ত অবগত হইলে, তাহা
প্রকাশ কর । উহা শুনিতে আমার বড় কৌতূহল
উপস্থিত হইয়াছে ।”

গৃধ্র বলিতে লাগিল,—“মহারাজ ! আমি পূর্বজন্মে
সর্বশ নামে ব্রাহ্মণ ছিলাম । অতি উচ্চ বংশে আমার
জন্ম হইয়াছিল এবং পরিশ্রম ও অধ্যবসায় দ্বারা বেদাদি
সকল শাস্ত্রে পণ্ডিত হইয়াছিলাম । মহারাজ ! বলিতে
কি, তৎকালে আমার রূপ, যৌবন, বিদ্যা, ধন প্রভৃতি
কিছুরই অভাব ছিল না । এই সম্পদই আমার সর্ব-
নাশের কারণ হইল । আমি রূপ, যৌবন ও জ্ঞানমদে
যার পর নাই অহঙ্কৃত হইয়া উঠিলাম । তৎকালে,
আমার মাতাপিতা বিদ্যমান ছিলেন । আমি সেই
প্রত্যক্ষ দেবতা মাতাপিতাকে না বুঝিয়া অবজ্ঞা করি-
তাম । মনে ভাবিতাম,—আমি জ্ঞানবান্, রূপবান্,
ধনবান্ ; আমি ধার্মিক, কিন্তু আমার মাতাপিতা পাপ-
পরায়ণ ও দুৰ্ম্মুখ ; ইহাদের জ্ঞান বা দয়ার লেশমাত্র
নাই । কেবল ইহাদেরই জন্ম আমার বিদ্যা, বুদ্ধি,
ধন প্রভৃতি সকল সম্পদ বিফল হইল । আমি বার বার

এইরূপ ভাবিয়া, মাতাপিতার সেবা পরিত্যাগ করিলাম এবং তাঁহাদের প্রতি দুর্ব্যবহার করিতে আরম্ভ করিলাম ।

“কালে আমার মৃত্যু হইল । যমদূতগণ, ধর্ম্মরাজের আদেশে, আমাকে বন্ধন করিয়া দারুণ নরকে নিক্ষেপ করিল । সেই নরকে তোমার পুত্রগণের সহিত আমার সাক্ষাৎ হইয়াছিল । অনুসন্ধানে জানিতে পারিলাম ইহারা পূর্ব্বজন্মে ধনী ছিল, কিন্তু ভিক্ষুক দরিদ্রদিগকে একটী কপর্দকও দান করে নাই । সেই পাপের ফলে, অনেক পুণ্যকার্য্য করিয়াও, নরকে পতিত হইয়াছে ।

“ভগবানের অপার কৃপায় ইহারা এক্ষণে পাপমুক্ত হইয়া অতুল সম্পদ লাভ করিয়াছে । তাই আজ আমি ইহাদিগকে দেখিতে আসিয়াছি ।”

এইরূপ বলিয়া গৃধ্র আবার বলিতে লাগিল,—
 “মহারাজ ! আমি বড় দুর্ভাগ্য । মাতাপিতার প্রতি অবজ্ঞা করিলে, পরিণামে কিরূপ দুর্গতি ভোগ করিতে হয়, আমিই তাহার প্রত্যক্ষ প্রমাণ । আমি সহস্র সহস্র বৎসর অবিরত নরকযাতনা ভোগ করিয়া, অবশেষে গৃধ্র হইয়াছি এবং মৃতমাংস ভক্ষণ করিয়া প্রাণধারণ করিতেছি । আমাকে ধিক্ ! যে হতভাগ্য মাতাপিতার প্রতি ভক্তিযুক্ত না হয়, তাহার ইহকালপরকালে দুর্গতির

অবধি থাকে না । ফলতঃ মাতাপিতা প্রত্যক্ষ দেবতা-
 স্বরূপ । যাঁহারা তাঁহাদের সেবা করেন, তাঁহারা মহা-
 শয় । যে মনুষ্য মাতাপিতার প্রতি অবজ্ঞা করে, সে
 ঘোর নরকে বাস করিয়া থাকে । মাতাপিতার প্রতি
 অনাদর করাতেই আমার ঈদৃশ দুর্গতি হইয়াছে । জানি
 না, কত দিনে দয়াময় পরমেশ্বর আমার দুঃখ দূর
 করিবেন । ❀





সত্যপ্রতিজ্ঞতা—পিতৃভক্তি—রাজভক্তি ।

ভীষ্মদেব ।

[মহাভারত অবলম্বনে ।]



মিলে না ।

সত্যের প্রতি ভীষ্মের একান্ত অনুরাগ ছিল । এই মহাপুরুষ মৃত্যুকালপর্যন্ত কোন দিন ভ্রমেও সত্যের অপলাপ করেন নাই । তিনি কথায় যাহা বলিতেন, কাজেও তাহাই করিতেন । সত্যের জন্য তিনি রাজ্য, ঐশ্বর্য্য সমস্ত পরিত্যাগ করিয়াছিলেন ; জীবনের সকল

স্বথ ছাড়িয়াছিলেন। তাঁহার প্রতিজ্ঞা এতই অটল ছিল যে, আজ পর্য্যন্ত কাহাকেও দৃঢ়প্রতিজ্ঞ দেখিলে, লোকে ভীষ্মের প্রতিজ্ঞার সহিত তাহার উপমা দিয়া থাকে।

ভীষ্মের পিতৃভক্তিও অসাধারণ। পিতার সন্তোষের জন্য তিনি প্রতিজ্ঞা করিয়াছিলেন—বিবাহ করিব না। ভীষ্ম আজীবন ব্রহ্মচারিভাবে অবস্থান করিয়াছিলেন, তথাপি, একদিনের জন্যও, আপনার প্রতিজ্ঞার কথা বিস্মৃত হন নাই।

শিক্ষায় ভীষ্মের একান্ত অনুরাগ ছিল। তিনি অল্প বয়সেই একজন অদ্বিতীয় ধনুর্ধর হইয়া উঠেন। তাঁহার অলৌকিক শক্তি দেখিয়া, লোকে বলিত, তিনি দেবতা; শাপভ্রষ্ট হইয়া মানুষ হইয়াছেন। ফলতঃ তাঁহাকে দেবতা ভিন্ন আর কিছুই বলা যায় না।

ভীষ্মদেব মহাবীর ছিলেন। তাঁহার সহিত সম্মুখ-সমরে স্থির থাকিতে পারেন, তৎকালে, এমন বীর কেহই ছিলেন না। কুরুক্ষেত্রের মহাসমরে তিনি একাকী প্রতিদিন অযুত-যোদ্ধার প্রাণসংহার করিতেন। দশ দিন এইরূপ ভয়াবহ যুদ্ধ করিবার পর অন্তায়সমরে পাণ্ডবপক্ষ এই মহারথীকে পরাভূত করেন। ভীষ্মের জীবনের সংক্ষিপ্ত বিবরণ এই—

অল্প বয়সে ভীষ্মের মাতৃবিচ্ছেদ হয় । শান্তনু সত্যবতীকে বিবাহ করিতে ইচ্ছা করিলেন । সত্যবতীর পিতা নীচজাতীয় ছিলেন । কিন্তু হইলে কি হয়, তিনিও বৃদ্ধ শান্তনুকে সহজে কন্যাদানে সন্মত হইলেন না । অবশেষে বলিলেন,—আমার দৌহিত্রকে সিংহাসন প্রদান করিবেন, এই অঙ্গীকার করিলে, আপনাকে কন্যাদান করিতে আমার কোনও আপত্তি নাই । শান্তনু সন্মত হইলেন না । তিনি মনের কষ্টে কালযাপন করিতে লাগিলেন । ভীষ্ম মন্ত্রীমুখে পিতার মনঃকষ্টের কারণ অবগত হইয়া, সত্যবতীর পিতার নিকট গমন করিলেন এবং তাহাকে কহিলেন,—“আমি প্রতিজ্ঞা করিতেছি কখনও সিংহাসন গ্রহণ করিব না । আপনি স্বচ্ছন্দে পিতাকে কন্যাদান করুন ।” সত্যবতীর পিতা উত্তর করিলেন,—“আপনি সিংহাসন লইবেন না তাহা ত বুঝিলাম, কিন্তু আপনার ছেলেরা কেন রাজ্যের আশা পরিত্যাগ করিবে ? আপনার মাতৃকুল, পিতৃকুল উভয়ই উচ্চ ; বিশেষতঃ, আপনি জ্যেষ্ঠপুত্র বলিয়া রাজ্যের প্রকৃত উত্তরাধিকারী । সুতরাং, প্রজাগণ সকলেই আপনার সহায় হইবে । আপনি রাজ্য-গ্রহণ না করিলেও, তাহারা আপনার পুত্রের অনুগত হইবে ।”

ভীষ্ম কহিলেন,—“মহাশয়, আপনি অমূলক সন্দেহ করিবেন না। পিতার প্রীতির জন্য রাজ্য কেন, যদি প্রাণ দিতে বলেন, আমি তাহাতেও প্রস্তুত আছি। আমি ধর্ম সাক্ষী করিয়া প্রতিজ্ঞা করিতেছি, এ জীবনে বিবাহ করিব না। আমি বিবাহ না করিলে ত আপনার দৌহিত্র-গণের রাজ্য পাইবার কোন ব্যাঘাত হইবে না ?”

ভীষ্মের উন্নত চরিত্রের কথা দেশময় প্রচারিত হইয়াছিল। সুতরাং, সত্যবতীর পিতা আর কোনও সন্দেহ করিলেন না। বৃদ্ধ শান্তনুর সহিত সত্যবতীর বিবাহ হইয়া গেল।

ভীষ্মদেব বিমাতাকে জননীর ন্যায় সম্মান করিতেন। যে বিমাতার জন্য তিনি রাজ্য, ধন প্রভৃতি সকল স্বথের বস্তু হারাইয়াছিলেন, সেই বিমাতার প্রতিও, তাঁহার মনে বিরাগের সঞ্চার হয় নাই। ধন্য ভীষ্ম ! ধন্য তাঁহার পিতৃভক্তি ! ধন্য তাঁহার ন্যায়নিষ্ঠা ।

সত্যবতীর গর্ভে শান্তনুর বিচিত্রবীর্য ও চিত্রাঙ্গদ নামে দুইটি পুত্র জন্মে। তাহাদের অতি শৈশবাবস্থায় শান্তনু ইহলোক পরিত্যাগ করেন। ভীষ্ম পরমযত্নে বৈমাত্রেয় ভ্রাতৃযুগলের লালনপালনাদির ভার গ্রহণ করিয়াছিলেন। চিত্রাঙ্গদ অল্পবয়সেই কালগ্রাসে পতিত হন। বিচিত্রবীর্য বয়ঃপ্রাপ্ত হইলে, ভীষ্ম তাঁহাকে রাজ-

পদে অভিষিক্ত করিয়া স্বয়ং তদীয় অভিভাবক অথচ আজ্ঞাবহ হইয়া, রাজকার্য্য পরিদর্শন করিতেন। কাল-সহকারে বিচিত্রবীর্য্য পরলোক গমন করিলে, ভীষ্ম তদীয় পুত্রদ্বয়কে পুত্রনির্ব্বিশেষে প্রতিপালন করিয়া-ছিলেন। জ্যেষ্ঠ ধৃতরাষ্ট্র জন্মান্ত ছিলেন বলিয়া, কনিষ্ঠ পাণ্ডুকেই তিনি রাজপদে প্রতিষ্ঠিত করিয়া স্বয়ং সর্ব্ব-বিষয়ে দৃষ্টি রাখিয়া চলিতেন; কিন্তু কদাপি প্রভুত্ব প্রদর্শন করিতেন না। ধৃতরাষ্ট্রের দুর্ঘ্যোধনাদি শত পুত্র এবং পাণ্ডুর যুধিষ্ঠিরাদি পঞ্চ পুত্র ভীষ্মেরই স্নেহে পরিপুষ্ট হইয়াছিলেন। ভীষ্মই তাঁহাদের শিক্ষা এবং সম্রাটের বিধাতা।


যিনি যখন সিংহাসনে বসিতেন, ভীষ্ম তাঁহারই অনুগত হইতেন। তিনি সত্যবতীর পিতার নিকট যে প্রতিজ্ঞা করিয়াছিলেন, তাহা কখনও বিস্মৃত হন নাই। এক সময়ে সত্যবতীও ভীষ্মকে বিবাহ করিতে এবং রাজা হইতে অনুরোধ করিয়াছিলেন, কিন্তু ঐ মহাপুরুষ কিছুতেই সত্য লঙ্ঘন করিয়া, বিমাতার অনু-রোধ রক্ষা করেন নাই।

কুরুক্ষেত্রের যুদ্ধে ভীষ্ম দুর্ঘ্যোধনের পক্ষ অবলম্বন করিয়াছিলেন। ভীষ্ম জানিতেন, দুর্ঘ্যোধন পাপী, পাণ্ড-বেরা নিষ্পাপ; দুর্ঘ্যোধন লোভী, অত্যাচারী, পাণ্ডবেরা

নির্লোভ, ধার্মিক । এজন্য তিনি মনে প্রাণে পাণ্ডবগণের মঙ্গলকামনা করিতেন । *বাহাতে যুদ্ধ উপস্থিত না হয় সেজন্য তিনি দুর্যোধনকে অনেক বুঝাইয়াছিলেন । দুর্যোধন কাহারও কথা শুনে নাই ।

নীতিশাস্ত্রে ভীষ্মের মত পণ্ডিত বোধ হয় সকালে কেহই ছিলেন না । তিনি যত্নের পূর্বে যুদ্ধিষ্ঠির প্রভৃতিকে যে সকল উপদেশ দিয়াছিলেন, তাহার প্রত্যেক কথায়, তাঁহার অসীম-নীতিজ্ঞানের পরিচয় পাওয়া যায় । ভীষ্মকে লোকে যে শাপভ্রষ্ট দেবতা বলিয়া ভক্তি করে, ফলতঃ তাঁহার চরিত্রও দেবতার মত ছিল । ভীষ্মের ন্যায় মহাপুরুষ পৃথিবীতে দুর্লভ ।





অধ্যবসায় ।

বিশ্বামিত্র ।

[বৈদিক ও পৌরাণিক উপাখ্যান অবলম্বনে ।]



অকুজদেশে গাধি নামে একজন বিখ্যাত রাজা ছিলেন । বিশ্বামিত্র তাঁহার পুত্র । বিশ্বামিত্র বয়ঃপ্রাপ্ত হইয়া পিতার সিংহাসনে আরোহণ করিয়াছিলেন ।

একদা রাজা বিশ্বামিত্র বহুসংখ্যক সৈন্যসামন্ত লইয়া দিগ্বিজয়ে বহির্গত হইয়াছিলেন । নানা দেশ ও জনপদ পরিভ্রমণ করিতে করিতে বিশ্বামিত্র সসৈন্য মহর্ষি বশিষ্ঠের আশ্রমে উপস্থিত হইলেন ।

অতিথিসৎকার পরম ধর্ম্ম । অতিথি গৃহে উপস্থিত হইলে, যে ব্যক্তি যথাশক্তি তাঁহার সেবা না করে, সে যার পর নাই হতভাগ্য । বশিষ্ঠ পরম ধার্ম্মিক ছিলেন । তিনি অতি আদরসহকারে বিশ্বামিত্রকে লোকজনের

সহিত প্রচুররূপে ভোজন করাইলেন ; পথপর্য্যটনে তাঁহাদের যে পরিশ্রম হইয়াছিল, ঋষির আতিথেয়তায় তাহা সম্পূর্ণরূপে দূরীকৃত হইল ।

বশিষ্ঠের একটা ধেনু ছিল । উহার নাম শবলা । এই কামদুষা অলৌকিক শক্তি ধারণ করিত । বিশ্বামিত্র, মুনির নিকট ধেনুটী চাহিয়া বসিলেন । মুনি বলিলেন,—ইনি আমার সর্বস্ব ; ইহাঁকে কিছুতেই দান করিতে পারি না । রাজা অনেক অনুনয় করিলেন, অনেক মূল্য দিতে চাহিলেন ; ধেনু ইচ্ছাময়ী ছিল, স্ততরাং, বশিষ্ঠ রাজার কথায় সন্মত হইতে পারিলেন না । তখন বিশ্বামিত্র বলপূর্ব্বক ধেনু কাড়িয়া লইতে উদ্যত হইলেন । কিন্তু কামধেনুর অমানুষী ক্ষমতায় রাজা হারিয়া গেলেন ।

এই ঘটনায়, রাজার মনে নিৰ্বেদ উপস্থিত হইল । তিনি ভাবিলেন,—শরীরের বলে ধিক্ ! জ্ঞানবলের ন্যায় বল নাই । আমি এত বড় একজন রাজা হইয়াও একজন বনবাসী ঋষির নিকট পরাস্ত হইলাম । আমার রাজ্য ও ঐশ্বর্য্যে ধিক্ ।

অতঃপর বিশ্বামিত্র রাজ্য, ধন প্রভৃতি সমস্ত পরিত্যাগ করিলেন । তিনি মনে ভাবিলেন, যেমন করিয়া হউক, আমি ব্রাহ্মণ হইব । এই প্রতিজ্ঞা করিয়া, তিনি

নিবিড় বনে প্রবেশ করিয়া, একমনে সেই সনাতন পরমেশ্বরের আরাধনা করিতে লাগিলেন ।

কখন ফলাহারে কখন বা অনাহারে, বিশ্বামিত্র উগ্র তপস্যা করিতে লাগিলেন । তাঁহার দৃঢ়সংকল্প, তিনি ব্রহ্মতেজ লাভ করিবেন । শীত, আতপ, বাত, ঝড়ি কিছুতেই তাঁহার দৃকপাত নাই । কোনরূপ ক্লেশ তাঁহাকে কর্তব্যভ্রষ্ট করিতে পারিল না । জগতের কোনরূপ লোভ তাঁহার মনের গতি ফিরাইতে পারিল না । এইরূপ অসীম অধ্যবসায়ী পুরুষ না করিতে পারেন কি ? অধ্যবসায়ের জয় হইল । বিশ্বামিত্র ব্রহ্মবি হইলেন । ফলতঃ, অধ্যবসায়ে অসম্ভব সম্ভব হয়, অসাধ্য সাধ্য হয়,—বিশ্বামিত্র এ কথার জাজ্বল্যমান প্রমাণ ।





শরণাগতরক্ষণ ।

বিশ্বামিত্র ।



শরণাগতের রক্ষার জন্য বিশ্বামিত্র চির-
বিখ্যাত । কেহ তাঁহার শরণ লইলে
তাহার রক্ষার জন্য, তিনি বিধাতার
বিপক্ষে দাঁড়াইতেও সঙ্কুচিত হইতেন
না । ত্রিশঙ্কু নামে সূর্য্যবংশের একজন
রাজা গুরুর অবমাননা করিয়াছিলেন । এই গুরুতর অপ-
রাধে সমস্ত ব্রাহ্মণ ত্রিশঙ্কুকে পরিত্যাগ করিয়াছিলেন ।
নিরুপায় হইয়া, ত্রিশঙ্কু অবশেষে বিশ্বামিত্রের শরণ
লইলেন । বিশ্বামিত্র রাজাকে ভরসা দিয়া কহিলেন,—
“মহারাজ ! ভয় নাই । তুমি আমার শরণ লইয়াছ,
আমি যেমন করিয়া হউক, তোমার উপকার করিব ।”
বিশ্বামিত্র প্রকৃতই সেই শরণাগত রাজার উপকার
করিয়াছিলেন । একমাত্র বিশ্বামিত্রের অনুগ্রহেই রাজা
ত্রিশঙ্কু ব্রাহ্মণের কোপানল হইতে রক্ষা পাইয়াছিলেন ।

হরিশ্চন্দ্র* নামে একজন রাজা ছিলেন । তাঁহার সন্তান জন্মে নাই । রাজা বরুণদেবের নিকট এই বর প্রার্থনা করিয়াছিলেন যে যদি দেবতার অনুগ্রহে তাঁহার সন্তান জন্মে, তাহা হইলে, তিনি প্রথম সন্তানটী বরুণের প্রীতির উদ্দেশ্যে, বলি দিবেন । ঈশ্বরের লীলা বড় বিচিত্র । হরিশ্চন্দ্রের পুত্র জন্মিল । তিনি ক্রমে ক্রমে পুত্রের মায়ায় জড়িত হইলেন । কিরূপে অঙ্গীকার রক্ষা করিবেন, রাজা এই ভাবিয়া আকুল হইলেন । অবশেষে অজীগর্তনামক† একজন দরিদ্রকে প্রচুর ধন দিয়া, তাহার পুত্র শুনঃশেফকে‡ কিনিয়া আনিলেন ।

* রামায়ণে ইনি অধরীষ নামে আখ্যাত হইয়াছেন ।

† রামায়ণে ঞ্চীক নামে আখ্যাত ।

‡ শুনঃশেফ ।—ঋগ্বেদের ১ম অষ্টকের ১ম মণ্ডলান্তর্গতঃ চতুর্বিংশতিসংখ্যক হুক্ত হইতে পরবর্ত্তি কয়েকটি হুক্ত শুনঃশেফ-ঋষিদৃষ্ট বলিয়া প্রসিদ্ধ । এই সকল বেদমন্ত্র হইতেই পৌরাণিক উপাখ্যানের সৃষ্টি হইয়াছে । শুনঃশেফ-ঋষি বড় বিপদে পড়িয়া বলিয়াছিলেন,—“কোন্ দেবতার নাম উচ্চারণ করিব ; কে আমাকে দারুণ ভূতাত্মক হইতে পরিত্রাণ করিবেন ? কোন্ দেবতা আমার প্রাণরক্ষা করিয়া আমাকে মাতা পিতার ত্রিচরণ দর্শন করাইবেন ?—“কো নো মহা । অদিতরে পুনর্দাং পিতরং চ দৃশ্যেয়ং মাতরং চ ॥” ঋগ্বেদ ।—কো দেবো মাং মুমুর্ষুং পুনরপি মত্বে মহতৌ অদিতরে পৃষিব্য দাং দদ্যাৎ । তেন দানেন অহং অমৃতঃ সন্ পিতরং মাতরং চ দৃশ্যেয়ম্ । পশ্যেয়ম্ । (সায়ণভাষ্য) । দেবতা শুনঃশেফের কাতর-বিলাপে কর্ণপাত করিয়াছিলেন । কথিত আছে, বরুণদেব স্বয়ং যজ্ঞক্ষেত্রে আবির্ভূত হইয়া শুনঃশেফের বন্ধনমোচন করিতে হরিশ্চন্দ্রকে আদেশ করিয়াছিলেন । বিশ্বামিত্রের উপদেশেই শুনঃশেফ বেদমন্ত্র উচ্চারণ করেন ।

হরিশ্চন্দ্র পুত্রের পরিবর্তে এই শিশুকে বরুণের নিকট বলি দিবার উদ্যোগ করিলেন । শিশুকালে একমাত্র মাতাপিতাই সন্তানের রক্ষক । পিতা অর্থের লোভে শুনঃশেফকে বিক্রয় করিয়াছিলেন । লোকে অন্যায়রূপে উৎপীড়িত হইলে, রাজার কাছে বিচারপ্রার্থী হয়, রাজা নিজেই শুনঃশেফের প্রাণবিনাশে উদ্বৃত্ত হইয়াছিলেন ! সুতরাং, এ জগতে এই অসহায় শিশুর দাঁড়াইবার স্থান ছিল না । শিশুর অবস্থা দেখিয়া বিশ্বামিত্রের হৃদয় গলিল । ঋষি আপনার অসীম তপস্যার বলে শুনঃশেফের প্রাণ রক্ষা করিলেন । যাঁহার হৃদয় পরের দুঃখ দেখিয়া এরূপ কাতর হয়, যিনি নিরাশ্রয়ের উদ্ধার করিতে এরূপ বদ্ধপরিকর হইয়া থাকেন, তিনি যে ক্ষত্রিয়কূলে জন্ম লইয়াও ব্রহ্মর্ষি হইবেন, তাহাতে বৈচিত্র্য কি ?





আশ্রিতরক্ষণ ।

মহারাজ শিবি ।

[মহাভারত অবলম্বনে ।]



বর্ষকালে শিবি নামে একজন পরম ধার্মিক রাজা ছিলেন ।

একদা দেবতাদিগের রাজা ইন্দ্র এবং হুতাশন, শিবিরাজের ধার্মিকতার পরীক্ষাকল্পনা করিলেন । অগ্নি কপোতের রূপ ধরিয়া পলায়মান হইলেন ; ইন্দ্র কপোতের প্রাণসংহার করিবার জন্য শ্চেনরূপে উহার অনুসরণ করিলেন । কপোত অবশেষে প্রাণের ভয়ে, রাজার কোলে লুকাইল ।

কপোত এইরূপে রাজার আশ্রয় লইলে, শ্চেন কহিল,—“মহারাজ ! শুনিয়াছি, আপনি ধার্মিক । কপোত আমার ভক্ষ্য । বিধাতা উহাকে আমার

ভক্ষ্যরূপে সৃষ্টি করিয়াছেন । অতএব আপনি কপোত পরিত্যাগ করুন । ”

রাজা উত্তর করিলেন,—“ বিহগরাজ ! এই কপোত প্রাণের ভয়ে আমার শরণ লইয়াছে । যে ব্যক্তি শরণাগতকে পরিত্যাগ করে, তাহার পাপের অবধি থাকে না । আমি কিছুতেই কপোত পরিত্যাগ করিব না । ”

তখন শ্যেন কহিল,—“ রাজন্ ! আহারই প্রাণিগণের জীবনধারণের একমাত্র উপায় । আহারের অভাবে কেহই বাঁচিতে পারে না । আহাৰ্য্য প্রাপ্ত না হইলে, আমি কেমন করিয়া জীবনধারণ করিব ? আপনি কপোতকে পরিত্যাগ না করিলে, আমাকে অনশনে প্রাণত্যাগ করিতে হইবে । একজনকে রক্ষা করিতে গিয়া অপরের প্রাণনাশ করিলে পুণ্যলাভ হয় না । অতএব আমার আহাৰ্য্য আমাকে প্রদান করুন । ”

রাজা কহিলেন,—“ যে ব্যক্তি শরণাগতকে শত্রুর হস্তে প্রদান করে, তাহার জীবনধারণ বৃথা । সহস্র পুণ্যকার্য্য করিয়াও সে স্বর্গ লাভ করিতে পারে না । তুমি এই কপোতের আশা পরিত্যাগ কর । অন্য যে কোনও মাংস আহার করিতে প্রবৃত্তি হয়, বল, আমি তোমার জন্য তাহাই আনিয়া দিতেছি । ”

শ্যেন বলিল,—“মহারাজ ! অন্য কোনও মাংসে

আমার রুচি নাই। বিধাতা আজ এই কপোতকে আমার খাণ্ডরূপে প্রেরণ করিয়াছেন, আপনি দয়া করিয়া উহাকে পরিত্যাগ করুন।”

শিবি কহিলেন,—“বরং প্রাণ দিতে পারি, তথাপি এই শরণাগত কপোত পরিত্যাগ করিতে পারি না। তুমি কপোতের আশা পরিত্যাগ করিয়া অন্য যাহা ইচ্ছা প্রার্থনা কর।”

শ্যেন বলিল,—“মহারাজ! যদি একান্তই আপনি কপোতকে রক্ষা করিতে ইচ্ছুক হইয়া থাকেন, তাহা হইলে, আপনার নিজের শরীর কাটিয়া আমাকে কপোতের তুল্যপরিমাণ মাংস প্রদান করুন।”

রাজা তৎক্ষণাৎ হাসিতে হাসিতে শ্যেনের কথা স্বীকার করিলেন। তুলাদণ্ড আনিত হইল। রাজা আপনার উরুর মাংস কাটিয়া কপোতের সহিত ওজন করিলেন। কপোত ভারী হইল। তিনি আরও মাংস কাটিলেন, এবারেও কপোতের ভার অধিক হইল। অসাধারণ সহিষ্ণু রাজা ইহাতেও কাতর হইলেন না। তিনি আবার আপনার মাংস কাটিলেন; কিন্তু অবশেষে যখন দেখিলেন, এবারেও কপোত ভারী হইল, তখন নিজেই তুলাদণ্ডে আরোহণ করিলেন।

এই অদ্ভুত ব্যাপার অবলোকন করিয়া ইন্দ্র ও অগ্নি

যার পর নাই বিস্মিত হইয়া কহিলেন,—“মহারাজ !
আমরা ইন্দ্র ও অগ্নি ; আপনার ধার্মিকতার পরীক্ষা
করিবার জন্য, ছদ্মবেশে আপনার নিকট উপস্থিত
হইয়াছিলাম । ধন্য আপনার মহত্ব, ধন্য আপনার
আশ্রিতরক্ষণ, ধন্য আপনার পরোপকার ! আপনার
পুণ্যের ফল সহস্রমুখে বলিয়া শেষ করা যায় না ।”

দেবতার অনুগ্রহে ধর্মাত্মা শিবি তৎক্ষণাৎ সুস্থ ও
পূর্ণদেহ হইলেন এবং অচিরে বৈকুণ্ঠলোকে গমন
করিলেন ।





অন্নদান ।

মহর্ষি মুদগল ।

[মহাভারত অবলম্বনে ।]



রুক্মেত্রে মুদগলনামে এক ঋষি বাস করিতেন । তিনি বড় দরিদ্র ছিলেন । উজ্জ্বলতা দ্বারা কোনরূপে জীবিকা-নির্বাহ করিতেন । ঋষি দরিদ্র ছিলেন বটে, তথাপি, যথাসাধ্য ক্ষুধার্তকে অন্নদান করিতেন । তাঁহার গৃহে অতিথি উপস্থিত হইলে, তিনি নিজে উপবাসী থাকিলেও, অতিথিকে আহার করাইতেন । ক্রমে ঋষির এই যশের কথা চারিদিকে বিস্তৃত হইল । সকলেই বলিতে লাগিল,— মুদগল একজন মহাশয় লোক ।

মহর্ষি দুর্ভাসা, মুদগলের এই যশের কথা শুনিয়া, বড় বিস্মিত হইলেন । তিনি মনে ভাবিলেন, যে লোক আপনি খাইতে পায় না, কি করিয়া সে অপরকে

খাইতে দেয় ! আমাকে একবার মুদগলের ধার্মিকতার পরীক্ষা করিতে হইবে ।

একদিন দুর্বাসা অতিথিবেশে মুদগলের গৃহে উপস্থিত হইয়া কহিলেন,—“আমি বড় ক্ষুধার্ত হইয়াছি । আমাকে শীত্র খাইতে দাও ।” মুদগল সন্তুষ্টচিত্তে ঋষিকে পা ধুইবার জল এবং বসিতে আসন প্রদান করিলেন । দুর্বাসা স্থখে উপবিষ্ট হইলে, মুদগল তাঁহাকে অন্ন ও পানীয় প্রদান করিলেন । দুর্বাসা সমস্ত অন্ন অবিলম্বে উদরসাৎ করিলেন । মুদগল তাড়াতাড়ি আবার অন্ন আনিলেন ; দুর্বাসা এবারেও সমস্ত নিঃশেষে খাইয়া ফেলিলেন । অতিথি মুদগলের গৃহস্থিত সমুদয় অন্ন ভোজন করিয়া আসন পরিত্যাগপূর্বক আচমন করিলেন । মুদগল সপরিবারে সে দিন উপবাসে কাটাইলেন ।

পরদিন মুদগল বহুকষ্টে আহারের যোগাড় করিলেন, কিন্তু ভোজনকালে সেই ঋষি উপস্থিত হইয়া সমস্তই খাইয়া গেলেন । এইরূপে দুর্বাসার আগমনে, ক্রমাগত ছয় দিন মুদগলের আহার ঘটিল না । উপযুক্ত পরি উপবাসী থাকিয়া, তাঁহার শরীর শীর্ণ হইয়া পড়িল, কিন্তু তথাপি, তাঁহার হৃদয়ে কোনরূপ অসন্তোষের সঞ্চার হইল না ; তথাপি মুদগল, অতিথির পরিচর্যায় বিমুখ হইলেন না ।

অবশেষে, দুর্বাসা সন্তুষ্ট হইয়া কহিলেন,—
 “মহাত্মন! ইহলোকে আপনার মত দাতা আর দেখা
 যায় না। আপনি এই মহাপুণ্যের বলে সকল লোক
 জয় করিয়াছেন। স্বর্গবাসী দেবতারাও আপনার দানের
 প্রশংসা করিতেছেন। আপনি অচিরে বৈকুণ্ঠে গমন
 করিবেন। আমি আপনার সমাগম লাভ করিয়া পরম
 আপ্যায়িত হইয়াছি।” দুর্বাসা এইরূপে মুদগালের
 বহুবিধ প্রশংসা করিয়া যথাস্থানে প্রস্থান করিলেন।





তায়পরতা ।

বিরোচন ও সুধম্মা ।

[মহাভারত অবলম্বনে ।]



বিরোচন দৈত্যপতি প্রহ্লাদের পুত্র । সুধম্মা ঋষিকুমার । একদিন কথায় কথায়, উভয়ের মধ্যে কে প্রধান, এই কথা লইয়া তুমুল কলহ উপস্থিত হইল । বিরোচন কহিলেন,—“হে দরিদ্র ঋষিকুমার ! তুমি কিছতেই আমার সমকক্ষ নহ । তুমি কি জান না, এই বিশাল পৃথিবী আমার পিতার অধিকৃত ?”

সুধম্মা কহিলেন,—“রাজকুমার ! বৃথা কেন অহঙ্কার করিতেছ ? সত্য বটে, তোমার অসীম ধনবল আছে ; তোমার পিতার অধিকারও অব্যাহত, কিন্তু তাহা হইলেও, জ্ঞানবলে বলবান্ ঋষিগণের তুলনায় তুমি ক্ষুদ্রতম ।”

এইরূপে কথায় কথায় উভয়ের কলহ বৃদ্ধি পাইল । অবশেষে উভয়েই স্থির করিলেন, কোন উপযুক্ত মধ্যস্থের নিকট গিয়া এ বিষয়ের মীমাংসা করিবেন । আরও স্থির হইল, যিনি বিচারে পরাস্ত হইবেন, অপরে তাঁহার প্রাণদণ্ড করিবেন । এইরূপ বিষম প্রতিজ্ঞা করিয়া বিরোচন কহিলেন,—“কাহাকে মধ্যস্থ মানিবে, চল, তাঁহার নিকটে যাই ।” ঋষিকুমার বলিলেন,—“তোমার পিতাকেই এ বিষয়ে মধ্যস্থ করা হউক । তিনি বিচার করিয়া যাহা কহিবেন, আমি তাহাতেই স্বীকৃত হইব ।”

বিরোচন মনে মনে বড় সন্তুষ্ট হইলেন । তিনি ভাবিলেন,—পিতা কখনই আমার জীবনের মায়া পরিত্যাগ করিয়া স্বধন্যার পক্ষ অবলম্বন করিবেন না । এই ভাবিয়া, তিনি তৎক্ষণাৎ সন্মতি দিলেন ।

উভয়ে প্রহ্লাদের নিকট উপস্থিত হইলে, বিরোচন বলিলেন,—“পিতঃ ! আমরা প্রাণ পণ রাখিয়া, এক বিষয়ের বিচারপ্রার্থী হইয়া আপনার নিকটে উপস্থিত হইয়াছি । আমাদের দুই জনের মধ্যে কে প্রধান, আপনাকে তাহার মীমাংসা করিতে হইবে । আমাদের মধ্যে যিনি হীন বলিয়া অবধারিত হইবেন, অন্যে তাঁহার প্রাণসংহার করিবেন ।”

দৈত্যপতি প্রহ্লাদ পুত্রকে সম্বোধন করিয়া কহি-

লেন,—“বিরোচন ! আমি তোমাকে খুব ভালবাসি সন্দেহ নাই, কিন্তু কি করিব ? স্ত্রী বল, পুত্র বল, ধর্মের ন্যায় বন্ধু নাই । আমি পুত্রের জীবনের অনুরোধে অতুল ধর্মধন পরিত্যাগ করিতে পারিব না । যে ব্যক্তি বিচারকালে স্বার্থের অনুরোধে অন্যায় পক্ষের সমর্থন করে, তাহার সকল ধর্ম নষ্ট হইয়া যায় । আমার বিবেচনায়, তুমি কিছুতেই ঋষিকুমারের সমান হইতে পার না । তুমি নিশ্চয় জানিও, ধন অপেক্ষা জ্ঞান প্রধান, বিদ্যা অপেক্ষা সৎকার্য গুরুতর, আর ধর্ম সকলের শ্রেষ্ঠ । সত্য বটে, তুমি রাজকুমার, কিন্তু ধর্মবলে বলবান্ ঋষিপুত্র তোমার অপেক্ষা সহস্রগুণে প্রধান । তুমি বাদে পরাস্ত হইয়াছ ।”

প্রহ্লাদের এই ন্যায়পরতা দর্শন করিয়া স্ত্রধ্বা যার পর নাই সন্তুষ্ট হইলেন । তিনি কহিলেন,—“মহারাজ ! আমি আপনার ন্যায় কথায় পরম সন্তুষ্ট হইয়াছি । ঈশ্বর আপনার মঙ্গল করুন । বিরোচনের জীবন নাশ করিয়া, আপনার হৃদয়ে বেদনা দিলে, আমার বড়ই পাপ হইবে । আপনার পুত্র আপনি গ্রহণ করুন । আমি তাহার কেশাগ্রও স্পর্শ করিব না ।” এই বলিয়া, স্ত্রধ্বা চলিয়া গেলেন ।



পরস্বগ্রহণ ।

শঙ্খ ও লিখিত ।

[মহাভারত অবলম্বনে ।]



শঙ্খ ও লিখিত দুই সহোদর ছিলেন । বাহুদা নদীর তীরে পৃথক্ পৃথক্ আশ্রমে থাকিয়া, উভয়ে তপস্যা করিতেন । এক দিন লিখিত জ্যেষ্ঠের সহিত সাক্ষাৎ করিবার ইচ্ছা করিয়া, তাঁহার আশ্রমে উপস্থিত হইলেন । শঙ্খ তখন আশ্রমে ছিলেন না । পথ হাঁটিয়া লিখিতের বড় ক্ষুধা উপস্থিত হইয়াছিল । তিনি কাতর হইয়া ইতস্ততঃ আহার অব্বেষণ করিতে লাগিলেন ।

আশ্রমে অনেক ফলের গাছ ছিল । ঐ সকল বৃক্ষে বারমাস নানা জাতীয় ফল থাকিত । ফল দেখিয়া, লিখিতের বড় আনন্দ হইল । তিনি একটা গাছ হইতে অবিলম্বে কতকগুলি ফল পাড়িলেন । লিখিত আহার

করিতে বসিলে, শঙ্খ আসিয়া উপস্থিত হইলেন ।
কনিষ্ঠ ভ্রাতাকে ফলভোজন করিতে দেখিয়া, শঙ্খ
জিজ্ঞাসা করিলেন,—“ভ্রাতঃ ! তুমি এই সকল ফল
কোথায় পাইলে ?” লিখিত হাসিতে হাসিতে উত্তর
করিলেন,—“মহাশয় ! আমি ক্ষুধায় বড় পীড়িত হইয়া-
ছিলাম ; সেই জন্য, আপনার আশ্রমস্থ বৃক্ষ হইতে এই
সকল ফল আহরণ করিয়া ভোজন করিতেছি ।”

শঙ্খ কহিলেন,—“ভ্রাতঃ, তুমি অতি গর্হিত কার্য্য
করিয়াছ । না বলিয়া পরস্ব গ্রহণ করিলে, চুরি করা
হয় । আমাকে না বলিয়া ফলভোজন করাতে, তুমি
চোর হইয়াছ । চুরি করা মহাপাপ । যদি এই
মহাপাপ হইতে উদ্ধার পাইতে চাও তাহা হইলে,
সত্ত্বর রাজার নিকটে যাও ; সেখানে সরলভাবে আপনার
অপরাধ প্রকাশ করিয়া, দণ্ড প্রার্থনা কর ।”

অগ্রজের কথা শুনিয়া, লিখিত অবিলম্বে রাজার
নিকটে উপস্থিত হইলেন । রাজার নাম স্তূত্ব্যম্ন । ঋষির
আগমনের কথা শুনিয়া, তিনি অবিলম্বে দ্বারদেশে
উপস্থিত হইয়া কহিলেন,—“ভগবন্ ! কি নিমিত্ত
আপনার আগমন হইয়াছে ? আজ্ঞা করুন, আমাকে কি
করিতে হইবে ?” লিখিত উত্তর করিলেন,—“মহারাজ !
আমি চোর ! না কহিয়া জ্যেষ্ঠ ভ্রাতার আশ্রম

হইতে ফল লইয়া ভোজন করিয়াছি । আপনি আমাকে যথোচিত শাস্তি প্রদান করুন ।”

স্বদ্যুম্ন কহিলেন,—“মহাশয় ! রাজা ইচ্ছা করিলে অপরাধীর দোষ ক্ষমা করিতে পারেন । আপনি ব্রতপরায়ণ ঋষি ; না জানিয়া একটা অপরাধ করিয়া ফেলিয়াছেন, আমি আপনাকে ক্ষমা করিলাম । আপনার আর যাহা ইচ্ছা, প্রকাশ করুন ।”

লিখিত কহিলেন,—“মহারাজ ! আমি আর কিছুই প্রার্থনা করি না । প্রায়শ্চিত্ত না করিলে পাপের ক্ষয় হয় না । মূঢ়েরাই পাপ করিয়া ঢাকিয়া রাখে । আমার বিশেষ অনুরোধ, আপনি আমাকে যথাশাস্ত্র শাসন করুন ।”

এইরূপ একান্তনির্ব্বক্ষে পড়িয়া, রাজা লিখিতের দুই হাত কাটিয়া দিলেন । তিনি ছিন্নহস্তে ভ্রাতার নিকটে উপস্থিত হইয়া সকল কথা খুলিয়া বলিলেন । শঙ্কা কহিলেন,—“ভ্রাতঃ ! উত্তম হইয়াছে, তোমার পাপক্ষয় হইয়াছে ; এক্ষণে নদীতে গিয়া তর্পণ কর ।”

অগ্রজের আজ্ঞানুসারে লিখিত নদীর তীরে উপস্থিত হইয়া জলে অবতীর্ণ হইলেন ; অনন্তর, যেমন জল লইয়া তর্পণ করিতে ইচ্ছা করিলেন, অমনি ঈশ্বরের অপার অনুগ্রহে, তাঁহার ছিন্নহস্ত পুনর্বার প্রাপ্ত হইলেন ।

লিখিত বড় বিস্মিত হইলেন এবং শঙ্খের নিকটে গিয়া তাঁহাকে হাত দুইটা দেখাইলে শঙ্খ কহিলেন,—
 “ভ্রাতঃ ! ইহাতে অন্য কোনও আশঙ্কা করিও না ।
 আপনার তপস্যার বলে ও তোমার সরল ব্যবহার দর্শনে,
 ঈশ্বর তোমাকে অনুগ্রহ করিয়াছেন । প্রায়শ্চিত্ত না
 করিলে পাপের ক্ষয় হয় না । রাজা দণ্ডের কৰ্ত্তা, সেই
 জন্য তোমাকে রাজার কাছে পাঠাইয়াছিলাম । তিনি
 শাস্তি দেওয়াতে, তোমার সকল পাপ দূর হইয়াছে ।”

পরের দ্রব্য দূরে থাকুক, না বলিয়া জ্যেষ্ঠ সহোদরের
 দ্রব্য গ্রহণ করিয়া, লিখিতের মত মহর্ষিকেও, চোর
 হইতে হইয়াছিল । //





দান—প্রতিশ্রুতিরক্ষণ ।

হরিশ্চন্দ্র ।

[মার্কণ্ডেয় পুরাণ অবলম্বনে ।]



এতাবুগে হরিশ্চন্দ্রনামে একজন রাজা ছিলেন । হরিশ্চন্দ্রের শাসনসময়ে প্রজাগণের সুখের অবধি ছিল না । দুর্ভিক্ষ, ব্যাধি প্রভৃতির উপদ্রপ ছিল না । প্রজাগণের হৃদয়ে পাপের লেশমাত্র ছিল না । রাজা ধার্মিক হইলে, প্রজাগণ পরমসুখে কালযাপন করে ।

একদিন হরিশ্চন্দ্র বনে যুগয়া করিতে গিয়াছিলেন । তিনি যুগের অনুসন্ধানে ইতস্ততঃ বেড়াইতেছেন, অকস্মাৎ শুনিতে পাইলেন, কয়েকটা স্ত্রীলোক—“রক্ষা কর,” “রক্ষা কর” বলিয়া আর্তস্বরে চীৎকার করিতেছে । বিপন্নের কাতরকণ্ঠ শুনিয়া রাজার হৃদয়ে দয়ার উদ্বেক হইল । তিনি ডাকিয়া কহিলেন,—“ভয় নাই । আমার

অধিকারের মধ্যে কোন্ দুর্ফলোক এরূপ অন্তায় কার্য্য করিতেছে ? আমার শরে কাহার মরিতে সাধ হইয়াছে ?”—এই বলিয়া, রাজা অগ্রসর হইলেন।

বিশ্বামিত্র মুনি তখন অসিদ্ধাবিঘ্না সাধন করিতে ছিলেন। বাস্তবিকই কোন রমণী তৎকালে চীৎকার করেন নাই। ঐ সকল বিঘ্নাই বিশ্বামিত্রের উগ্র তপস্যার প্রভাবে কাঁদিয়াছিল।

হরিশ্চন্দ্রের কথা শুনিয়া, বিশ্বামিত্র রুষ্ট হইয়া ছিলেন। তিনি ত্রুদ্ধ হইবামাত্র, বিদ্যাসকল অদৃশ্য হইয়া গেল। ইহাতে তাঁহার আরও ক্রোধ উপস্থিত হইল।

এই সময়ে, রাজা হরিশ্চন্দ্র বিশ্বামিত্রের সম্মুখে উপস্থিত হইলেন। মুনিকে দেখিয়া তাঁহার ভয় হইল। তিনি ভাবিলেন,—আমি ঋষির প্রাতি এরূপ কঠোর কথা বলিয়া অতি অন্তায় কার্য্য করিয়াছি। ভয়ে হরিশ্চন্দ্রের শরীর কাঁপিতে লাগিল। বিশ্বামিত্র তাঁহাকে দেখিয়াই ক্রোধভরে কহিলেন,—“দুরাত্মন ! দাঁড়া, তোরা অহঙ্কার ভাঙ্গিতেছি।”

হরিশ্চন্দ্র মুনিকে প্রণাম করিয়া সবিনয়ে কহিলেন,—“প্রভো ! আমার উপর অকারণে ক্রোধ করিবেন না। দান, রক্ষা এবং ধর্ম্মশাস্ত্রমতে যুদ্ধ করা রাজা-

দিগের কর্তব্য । আমি বিপন্ন-ব্যক্তিকে রক্ষা করিতে অগ্রসর হইয়াছি ; সুতরাং, আপনি আমাকে ক্ষমা করুন । ”

বিশ্বামিত্র কহিলেন, মহারাজ ! যদি তোমার অধর্মের প্রতি ভয় থাকে, তাহা হইলে শীঘ্র বল, কাহাকে দান করা উচিত ? কাহাকে রক্ষা করিতে হইবে এবং কাহার সহিত যুদ্ধ করা কর্তব্য ?

রাজা উত্তর করিলেন,—দরিদ্রদিগকে দান করিবে, ভয়াৰ্ত্ত ব্যক্তিকে রক্ষা করিবে এবং রাজদ্রোহিগণের সহিত যুদ্ধ করা কর্তব্য ।

বিশ্বামিত্র কহিলেন,—মহারাজ ! আমি যাচক ব্রাহ্মণ ; যজ্ঞ করিব, আমাকে যজ্ঞের দক্ষিণা প্রদান কর ।

রাজা এই কথা শুনিয়া বড় সন্তুষ্ট হইলেন । তিনি কহিলেন,—ভগবন্ ! বলুন, আপনাকে কি দিতে হইবে ? স্বর্ণ, রত্ন, স্ত্রী, পুত্র, আমার নিজের দেহ,—আপনি যাহা চাহিবেন, তাহাই দিব ।

বিশ্বামিত্র কহিলেন,—মহারাজ ! তুমি যাহা দিবে, আমি তাহাই গ্রহণ করিব ; অগ্রে আমাকে যজ্ঞের দক্ষিণা দাও ।

রাজা কহিলেন,—তাহা ত দিবই । তদ্ব্যতীত আপনার আর কি চাই, বলুন ।

বিশ্বামিত্র বলিলেন,—তোমার স্ত্রী, পুত্র, শরীর এবং ধর্ম ছাড়া আর যাহা কিছু আছে, সমস্ত আমাকে প্রদান কর ।

রাজা হৃষ্টমনে তৎক্ষণাৎ ‘তাহাই হইবে’ বলিয়া সম্মত হইলেন । তখন বিশ্বামিত্র বলিলেন,—তুমি ত আমাকে তোমার সমস্ত দিয়াছ ; এক্ষণে বল দেখি, কে প্রভু হইল ?

রাজা কহিলেন,—যখন আপনি সমস্ত রাজ্যের অধিকারী হইয়াছেন, তখন, আপনিই প্রভু ।

বিশ্বামিত্র কহিলেন,—তবে সমস্ত বসনভূষণ পরিত্যাগ করিয়া সত্ত্বর স্ত্রী পুত্র লইয়া আমার অধিকার হইতে দূর হও ।

রাজা, স্ত্রী এবং একমাত্র শিশুপুত্র লইয়া রাজ্য ছাড়িয়া চলিয়া যাইতে উদ্যত হইলেন । এই অবসরে, বিশ্বামিত্র তাঁহার পথ অবরোধ করিয়া কহিলেন,—তুমি আমাকে যজ্ঞ-দক্ষিণা না দিয়া কোথায় যাইতেছ ? হরিশ্চন্দ্র কহিলেন,—ভগবন্ ! আমার যাহা কিছু ছিল, সমস্ত আপনাকে দিয়াছি । এক্ষণে স্ত্রী, পুত্র এবং আমার শরীরমাত্র অবশিষ্ট আছে ।

বিশ্বামিত্র কহিলেন—আমি ওকথা শুনিতে চাই

না । তুমি অবিলম্বে যজ্ঞ-দক্ষিণা দাও । দান, রক্ষণ এবং যুদ্ধ রাজাদিগের কর্তব্য বলিয়া তুমিই বলিয়াছ ।

রাজা কহিলেন,—ভগবন্ ! সম্প্রতি আমার কিছুই নাই । অতএব দয়া করিয়া আমাকে কিছু সময় প্রদান করুন ।

বিশ্বামিত্র কহিলেন,—আমাকে কতকাল প্রতীক্ষা করিতে হইবে, শীঘ্র বল । অন্যথা আমার শাপানলে দগ্ধ হইবে ।

রাজা কহিলেন,—আপনি আমাকে একমাস সময় প্রদান করুন । মাসান্তে যেরূপে পারি, আপনার দক্ষিণা দিব ।

মুনি বলিলেন—ভাল, তাহাই হইবে । যাও, পথে তোমার মঙ্গল হউক । তোমার শত্রুগণ বিনষ্ট হউক ।

রাজা স্ত্রী পুত্র লইয়া নগরের বাহির হইলেন । রাজ-ভোগে যাঁহারা দিনযাপন করিতেন, আজ তাঁহারা পথের ভিখারী । প্রজাগণ রাজার অবস্থা দেখিয়া হাহাকার করিতে লাগিল । তাহারা একবাক্যে বলিতে লাগিল,—
“মহারাজ ! আপনি আমাদিগকে সঙ্গে লইয়া চলুন । হা নাথ ! হা প্রভু ! আপনি কোন্ অপরাধে আমাদিগকে পরিত্যাগ করিয়া যাইতেছেন ?”—প্রজাগণ এইরূপে বিবিধ বিলাপ করিতে লাগিল । তাহাদের

কাতরকণ্ঠ শুনিয়া রাজার করুণহৃদয় আর্দ্র হইল । তিনি ক্ষণকাল দাঁড়াইলেন । অমনি বিশ্বামিত্র কঠোরস্বরে কহিলেন,—“দুরাচার ! তোমাকে ধিক্ ! তুমি আমাকে রাজ্য দান করিয়া পুনরায় উহা গ্রহণ করিতে ইচ্ছা করিতেছ ?” রাজা বিশ্বামিত্রের ভয়ে কাঁপিতে কাঁপিতে কহিলেন,—“বাইতেছি ।” এই বলিয়া, তিনি রাণীর হস্তধারণপূর্বক অগ্রসর হইলেন । স্নকুমারী রাজমাহষী পথশ্রমে বড় কাতর হইয়াছিলেন । ইহাতেও হরিশ্চন্দ্রের হৃদয় বিচলিত হইল না ।

রাজা হরিশ্চন্দ্র, শিশুপুত্র ও রাণীর সহিত বারাণসীতে উপস্থিত হইলেন । এদিকে একমাসকাল পূর্ণ হইয়া আসিল । তিনি বারাণসীতে উপস্থিত হইয়া দেখিলেন, বিশ্বামিত্র অগ্রেই সেখানে উপস্থিত হইয়াছেন । রাজা একান্ত বিনীতভাবে বিশ্বামিত্রের অভ্যর্থনা করিলেন । বিশ্বামিত্র কহিলেন,—“মহারাজ ! মাস পূর্ণ হইয়াছে । এক্ষণ আমাকে প্রতিশ্রুত দক্ষিণা প্রদান কর ।”

হরিশ্চন্দ্র কহিলেন,—“ভগবন্ ! অদ্যই মাস পূর্ণ হইবে । অতএব দিবসের অবশিষ্ট সময়টুকু অপেক্ষা করুন । আমি দক্ষিণা সংগ্রহ করিতেছি ।”

বিশ্বামিত্র কহিলেন,—“ভাল, তাহাই হইবে । আমি পুনরায় আসিব । কিন্তু যদি অদ্য দক্ষিণা প্রদান না কর, তাহা হইলে, তোমাকে অভিশাপ দিব ।”

বিশ্বামিত্র চলিয়া গেলে, রাজা চিন্তা করিতে লাগিলেন,—কিরূপে আমি প্রতিশ্রুত দক্ষিণা প্রদান করিব ? আমার যে কিছুমাত্র সম্বল নাই ! যদি অঙ্গীকার প্রতিপালন না করিয়া প্রাণত্যাগ করি, তাহাতেও আমার নিষ্কৃতি নাই । যাহারা প্রতিশ্রুত প্রদান না করে, নিশ্চয়ই তাহাদের অধোগতি হয় । আমি দাসত্ব করিব, আপনাকে বিক্রয় করিয়া ঋষির ঋণ পরিশোধ করিব ।

রাজা নিতান্ত কাতর হইয়া অধোমুখে এইরূপ ভাবনা করিতেছেন দেখিয়া, রাজমহিষী কহিলেন,—“মহারাজ ! চিন্তা পরিহার করিয়া সত্য পালন করুন । সত্যহীন ব্যক্তি শ্মশানের মত পরিত্যাজ্য । সত্য রক্ষা অপেক্ষা শ্রেষ্ঠ ধর্ম্ম আর নাই । মিথ্যাবাদীর দান, অধ্যয়ন প্রভৃতি সকলই বৃথা ।” এই বলিয়া রাজমহিষী কঁাদিতে কঁাদিতে কহিলেন,—“মহারাজ ! আমাকে বিক্রয় করিয়া যে ধন পাইবেন, তদ্বারা ব্রাহ্মণকে দক্ষিণা প্রদান করুন ।”

রাজা এই কথা শুনিয়া মর্ম্মাহত হইলেন । এই

সময়ে হরিশ্চন্দ্রের শিশুপুত্র ক্ষুধায় কাতর হইয়া বলিতে লাগিল,—“বাবা ! আমার বড় ক্ষুধা পাইয়াছে । কিছু খাইতে দাও ।”

এমন সময়ে বিশ্বামিত্র আসিয়া সেখানে উপস্থিত হইয়া বলিলেন,—“রাজন্ ! আমাকে যজ্ঞ-দক্ষিণা দাও । সত্যের ন্যায় ধর্ম্ম আর নাই । অতএব তুমি তোমার সত্য পালন কর । যদি সূর্য্যাস্তের পূর্বে আমাকে প্রতি-শ্রুত যজ্ঞ-দক্ষিণা প্রদান না কর, তাহা হইলে, নিশ্চয়ই আমি তোমাকে অভিশাপ প্রদান করিব ।”—বিশ্বামিত্র এই বলিয়া প্রস্থান করিলেন ।

বিশ্বামিত্র চলিয়া গেলে, রাজা একান্ত অধীর হইয়া পড়িলেন । তিনি কি করিবেন, কিছুই স্থির করিতে পারিলেন না । রাণী কহিলেন,—“মহারাজ ! আমি যাহা বলিতেছি, তাহা করুন । আমাকে বিক্রয় করিয়া ঋষির ঋণ পরিশোধ করুন ।”

মহিষীর একান্ত অনুরোধ এড়াইতে না পারিয়া রাজা কহিলেন,—“ভদ্রে, আমি তোমাকে বিক্রয় করিব । অতি নিষ্ঠুরেরাও যাহা পারে না, আমি তাহা করিব ।” এই বলিয়া তিনি বাষ্পরুদ্ধকণ্ঠে বলিতে লাগিলেন,—“হে নগরবাসিগণ ! আমি আমার প্রাণাধিকা প্রেয়সীকে বিক্রয় করিতে আসিয়াছি । যদি তোমাদের

কাহারও দাসী ক্রয় করিবার প্রয়োজন থাকে, তাহা হইলে শীঘ্র বল ।”

এক বৃদ্ধ ব্রাহ্মণ আসিয়া বলিলেন, “আমার দাসীর প্রয়োজন আছে। আমার ব্রাহ্মণী স্কন্ধুমারী, গৃহকর্ম্য করিতে পারেন না। আমার ধনের অভাব নাই। উপযুক্ত মূল্য দিতেছি, লইয়া আমাকে দাসী প্রদান কর ।”

ব্রাহ্মণ এই বলিয়া, রাজার পরিহিত বস্ত্রের প্রান্ত-ভাগে, দৃঢ়রূপে ধন বাঁধিয়া দিল এবং রাণীর কেশে ধরিয়া টানিয়া লইয়া চলিল। মাতাকে এইরূপে লইয়া যাইতে দেখিয়া রাজকুমার তদীয় বসনপ্রান্ত ধরিয়া আকর্ষণ করিতে লাগিলেন। তখন রাজমহিষী সেই ব্রাহ্মণকে সম্বোধন করিয়া কহিলেন,—“আর্য্য ! একটু অপেক্ষা করুন। এই শিশুকে আর দেখিতে পাইব না, ইহাকে একবার দেখিয়া লই ।” তৎপরে তিনি পুত্রকে সম্বোধন করিয়া কহিলেন,—“বাছা ! আমি এখন দাসী হইয়াছি। আমাকে স্পর্শ করিতে নাই।” শিশু মাতার কথা শুনিল না। সে, মা—মা বলিয়া, কাঁদিতে কাঁদিতে তাঁহার পশ্চাৎ পশ্চাৎ চলিল। কঠোরহৃদয় ব্রাহ্মণ বালককে অগ্রসর হইতে দেখিয়া, তাহাকে পদাঘাত করিলেন। তথাপি বালক জননীকে ছাড়িল না।

তৎপরে রাণীর একান্ত অনুরোধে, ব্রাহ্মণ, বালককেও ক্রয় করিয়া লইয়া গেলেন। স্ত্রীপুত্রকে এই ভাবে লইয়া যাইতে দেখিয়া, রাজা আপনাকে ধিকার দিয়া হাহাকার করিতে লাগিলেন ।

সেই সময়ে বিশ্বামিত্র রাজার নিকটে উপস্থিত হইয়া দক্ষিণা চাহিলেন । স্ত্রীপুত্র বিক্রয় করিয়া রাজা বাহা কিছু পাইয়াছিলেন, সমস্তই বিশ্বামিত্রকে দিলেন । কিন্তু তাহা ঋষির মনঃপূত হইল না । তিনি ক্রোধভরে কহিলেন, “রে অধম ! এই সামান্য ধনই কি আমার উপযুক্ত যজ্ঞ-দক্ষিণা ? যদি তাহাই মনে করিয়া থাকিস্ তাহা হইলে, আমার তপস্যার বল দেখ ।”

রাজা কহিলেন,—“ভগবন্ ! আমি অবশিষ্ট দক্ষিণাও প্রদান করিব । কিন্তু সম্প্রতি আমার যে কিছুই নাই । আমি স্ত্রী ও শিশু-পুত্রকে বিক্রয় করিয়াছি !” বিশ্বামিত্র বলিলেন,—“দিবসের আর অল্পমাত্র সময় অবশিষ্ট আছে । এই কালের মধ্যে যেরূপে হউক, আমায় দক্ষিণা প্রদান করিতে হইবে ।”—এই বলিয়া তিনি প্রস্থান করিলেন ।

রাজা শোকে চুঃখে একান্ত কাতর হইয়া, উচ্চৈশ্বরে কহিতে লাগিলেন,—“ধন দিয়া দাস ক্রয় করিতে যদি কাহারও অভিলাষ থাকে, তিনি সূর্য্য অস্ত যাইবার পূর্বে

আমাকে ক্রয় করুন ।” এই কথা শুনিয়া, এক বিকৃত-
দর্শন চণ্ডাল আসিয়া কহিল,—“আমার দাসের প্রয়োজন
আছে ! বল, কত মূল্য দিতে হইবে ?” সেই
চণ্ডালের আকৃতি দেখিয়া ও কথা শুনিয়া, রাজার মনে
বড়ই ঘৃণা উপস্থিত হইল । তিনি জিজ্ঞাসা করিলেন,—
“তুমি কে ?”

চণ্ডাল কহিল,—“আমার নাম প্রবীর । আমি
জতিতে চণ্ডাল ; শ্মশান হইতে মৃতব্যক্তিগণের
কঙ্কলপ্রভৃতি সংগ্রহ করি ।”

বিশ্বামিত্র তৎকালে সেখানে উপস্থিত হইয়া
কহিলেন,—“এই চণ্ডাল তোমাকে অধিক ধন দিয়া
ক্রয় করিতে উদ্যত হইয়াছে ; অতএব তুমি
আপনাকে বিক্রয় করিয়া আমার যজ্ঞ-দক্ষিণা
প্রদান কর ।”

রাজা কহিলেন,—“ভগবন্ ! পবিত্র সূর্য্যবংশে
আমার জন্ম হইয়াছে । সামান্য ধনের লালসায় কিরূপে
চণ্ডালের দাসত্ব স্বীকার করিব ?” রাজা ঋষির পায়ে
ধরিয়া অনেক কাঁদিলেন, অনেক অনুনয় করিলেন এবং
কহিলেন,—“ভগবন্ ! আমি আপনারই দাস হইব ।
আমার প্রতি প্রসন্ন হউন । আমি প্রাণ গেলেও
চণ্ডালের দাসত্ব করিতে পারিব না ।”

বিশ্বামিত্র কহিলেন,—“ভাল, তুমি আমারই দাস হইলে । আমি তোমাকে ধন লইয়া চণ্ডালের নিকট বিক্রয় করিলাম ।” এইরূপ বলিতেই চণ্ডাল মুনিকে ধন দিয়া হরিশ্চন্দ্রকে বাঁধিয়া লইয়া চলিল এবং তাঁহাকে দণ্ডদ্বারা প্রহার করিতে লাগিল ।

সেই চণ্ডালের গৃহে থাকিয়া রাজা হরিশ্চন্দ্র দুঃখে, লজ্জায়, স্ত্রীপুত্রের বিরহে কত কাঁদিতেন, কত ভাবিতেন । তিনি এক এক বার মনে করিতেন,—হয় ত আমার স্ত্রী, আমার শিশুপুত্রের মলিন মুখখানি দোঁখয়া মনে করেন, আমি ধন দিয়া শীঘ্রই তাঁহাদিগের উদ্ধার করিব । হায় ! তিনি জানেন না যে, আমার কি দশা উপস্থিত হইয়াছে । আমি আজ চণ্ডালের দাসত্ব করিতেছি !

কিছু দিন পরে সেই চণ্ডাল, রাজাকে মৃতলোকের বস্ত্র সংগ্রহ করিতে শ্মশানে নিযুক্ত করিল ।

এদিকে সপদংশনে হরিশ্চন্দ্রের সেই একমাত্র পুত্রের মৃত্যু হইল । রাণী মৃতপুত্রকে ক্রোড়ে লইয়া শ্মশানে উপস্থিত হইলেন । চণ্ডালবেশধারী হরিশ্চন্দ্রও বস্ত্রাদি গ্রহণ করিবার আশয়ে, সেখানে উপস্থিত হইলেন । দুঃখে দুঃখে ইঁহাদের আকৃতির এতই পরিবর্তন হইয়াছিল যে, প্রথমে কেহই কাহাকে চিনিতে পারি-

লেন না । শেষে, উভয়েই উভয়কে চিনিতে পারিলেন । দুইজনেই পুত্রশোকে অধীর হইয়া প্রাণ পরিত্যাগ করিতে কৃতসঙ্কল্প হইলেন ।

শীঘ্রই চিতা প্রস্তুত হইল । মৃতপুত্রকে চিতার উপর স্থাপন করিয়া রাজা ও রাণী, একবার প্রাণ ভরিয়া, সেই সনাতন পরমেশ্বরের নাম লইলেন । এই সময়ে, স্বয়ং ধর্ম ও অন্যান্য সকল দেবতা আসিয়া সেখানে উপস্থিত হইলেন । ধর্ম কহিলেন,—“মহারাজ ! ক্লান্ত হও ; মরিও না ! আমি স্বয়ং ধর্ম তোমার নিকটে আসিয়াছি । তুমি সহিষ্ণুতা, জিতেন্দ্রিয়তা ও সত্যপালন-প্রভৃতি গুণে আমাকে বড়ই সন্তুষ্ট করিয়াছ । তুমি স্ত্রীপুত্রের সহিত পরম সদগতি প্রাপ্ত হইবে ।”

অনন্তর দেবরাজ ইন্দ্র আকাশ হইতে অমৃত বর্ষণ করিলেন । মহাত্মা হরিশ্চন্দ্রের সেই মৃতপুত্র সুন্দর ও সুস্থ শরীরে পুনরায় বাঁচিয়া উঠিল । রাজা ও রাণী আনন্দে অধীর হইয়া পুত্রকে আলিঙ্গন করিলেন ।

দেবরাজ ইন্দ্র হরিশ্চন্দ্রকে স্বর্গে যাইতে অনুরোধ করিলেন । হরিশ্চন্দ্র কহিলেন,—“প্রজাগণ আমার বিচ্ছেদে কাতর হইয়াছে । তাহারা আমার ভক্ত । আমি কিরূপে আশ্রিতজনকে পরিত্যাগ করিয়া অদ্বৈত স্বর্গে গমন করিব ? যদি আমার ঐ সকল ভক্ত ও

অনুরক্ত প্রজাগণকে আমার সহিত বাইতে অনুমতি প্রদান করেন, তাহা হইলে, আমি স্বর্গে যাইব । তাহা-দিগকে লইয়া আমি নরকে বাস করিতে প্রস্তুত আছি, তথাপি অনুগত আশ্রিতজনকে পরিত্যাগ করিব না । ”

ইন্দ্র কহিলেন,—“মহারাজ ! তাহাদের পৃথক পৃথক বহুবিধ পাপপুণ্য আছে । তাহারা কিরূপে আপনার সঙ্গে যাইবে ? ” রাজা কহিলেন,—“দেবরাজ ! আমি যে কিছু পুণ্যকার্য্য করিয়াছি, আমার ঐ সকল আত্মীয়-গণও তাহার ফলভাগী হউন । আমি তাঁহাদিগকে আমার সমস্ত পুণ্যফল ভাগ করিয়া দিলাম । ” সকলে তাহাতেই সন্মত হইলেন ।

পুত্রকে অযোধ্যার সিংহাসনে স্থাপন করিয়া, রাজা হরিশ্চন্দ্র, আপনার ভক্তগণের সহিত স্বর্গারোহণ করিলেন ।

ভগবান্ শুক্রাচার্য্য বলিয়া গিয়াছেন,—“হরিশ্চন্দ্রের সমান রাজা কখন হয় নাই, হইবেও না । সাহসুতার কি মাহাত্ম্য ! দানের কি মহাকল ! দেখ, রাজা হরিশ্চন্দ্র দান ও সাহসুতার বলে অতুল ইন্দ্রলোক প্রাপ্ত হইলেন ।

